


^ 16
2798
21



門 16
號 2798
卷 21

黃漳浦集卷四十三

詩

五言律詩

郡中結夏有作二章

拋書已隔歲攀柳復經時冷意熨棋子繁芬散墨池噓灰收礎
濕領雨絡蛛絲窮興為銷暑銷人邨得知
草削各為創支離且未妨壁山描別斧疏藥引逃糧塞白談丹
事空青辨露漿因尋貧士傳最上有王陽

五日同魏倩石給諫應德尊侍御過張汰沃山居四章

海色多明淨天中况此時人依金鏡裡坐與碧山宜
似嚴清草木知從來攬轡者泉石共誰私

江表猶無事恩波賸海涯每逢雲隙炤驚睹日光斜竹栢千春

昭和十九年
六月二十八日
購末

秀菖蒲一夜花應知吾道長深野人家

禮樂清天下霜威陋古人中原多澤鴈此郡有遺民懷闕慚明德褰帷仰德鄰所祈風力大掃九州塵

別有蒹葭意非因蘭芷通高軒三徑外交誼片言中花信彈微雨蟬心安晚風隨車看浙漑不與四時同

五日戲作四章

夢藥誰當試辟符准欲神藝鬚襍倩繫命一絲馴芥醋惱天子蒲菹雛聖人魚龍閱物眾不避水心辛

半畝不干澤株松猶礙雲曉音風雨至築擊鬼神聞四壁竟年合孤舟一夕分刊山慙鳥鼠毛羽孰爲羣

嬾藉休明庇癡懷窮劣憂丹砂不得令竹實豈宜秋撒飯供山鳥緘書寄海鷗石田能幾熟絕倒爲車籌

食道慳新力園公傲老師三年不灌竹半徑已成麋領意自然草銷陰平等基看人逃馬足近有炭夫知

竹醉前一日同諸子汎舟蓬萊峽用唐人外事情

都遠中流性所便爲韻得十章

癸未

區中眞物外小峽亦蓬萊竦島移琴迴青谿刺棹迴帆根牽細電橋齒動雌雷漫說龍門水曾經薊北臺

樂死餘生事枯禪老不支腰舟隨處穩翳葉有誰知客寄銅鞮曲羌吹楊畔兒乾坤豺虎裡贏得此便宜

丘壑不勝情魚蝦證此盟奔流看爾爾卷石字卿卿小隊牽綠野餘標報赤城居人知採藥似有未跋名

杖履領山都鷹鳩各可呼難隨果下馬試作水中鳧澤畔逃經典烟波闊釣徒不知浮海去能得幾人俱

西國美人遠荒山虎兕尊誰爭金谷路此亦辟疆園半得剡溪
興全消樂志論杖頭語展齒總不負君恩
小憩菰蘆中鷗心引道風波濤看不惡帆席自爲雄睥燕謀新
宅癡龍拾舊宮超然見空闊萬里失樊籠
一葦此橫流孤雲天際頭江潭吹客夢烽火斷邊愁破格收丹
穴量才託首丘譬將車子裡當作幾層樓
幽棲關鳥性選壑亦真靈石髓因風硬雀窺入竹青龍蛇消遯
甲天地寶園丁從此尋圖錄更當註水經
寥廓非吾所蕭條見本初十洲存碎著大埜失前魚鬼斧憐人
面神工慰木鋤不愁三洞外顛倒讀雷書
沉宅與誰便看山適暮年巾車不可駕秋水自成篇動操容深
臥避風許共旋莫將滄海眼錯對老桑乾

和張范之年丈過訪焦桐山同用唐人句爲韻亦得十章

七尺浮沉外華峩總劫灰留將孤掌在等得太行開橘樹耽香
曲榴花喜石隈自憐千里水過此亦紆回
側席商花事無言誦飫支人今知鳥養家不問檣危小榻穿山
下孤尊醮月時頽波方沉沉一纜詎能維
生涯猶小可星鬢已週庚狐兔煩從事猿麋戀主盟書能題宛
委客不讓方平解脫洪崖隊何妨太瘦生
烟霞各所都被蔽自黃虞不識江漁父安知楚大夫平波吞夢
澤真氣澹風雩與爾歌匏葉更誰賦友須
乖崖看古遠毛髓見渾元以此留餘徑遂成獨樂園人才猿入
定世事鶴當軒猶憶衛公子離家坐木門
橘隱小壺中鷄啼江水東一函天發夢三至我求蒙道袞山潛

補雲遶鳥絕通莫將新谷口指點舊蛟宮

北渚豈常流蘇門隱者尤元心追馬蹟孔語上驢頭積雪三峰路遺金六月裘諒知伸屈事不與螫蟲謀

龍蛇難見性蟣蝨幾餘身道少方壺岸人多巢許鄰爛柯翻不鬪跪石戲垂綸卽此關吾學雲泉兄弟親

窈窕宜麟所蒼茫表玉書白頭慚水鏡雲望悵醫閭木劍殊穿插荷裳自卷舒更停擊壤者別與討樵漁

簑笠野翁便畫圖覆被前客愁呼鶴迴家愛釀泉偏潮至眾星冷山空皓月懸種松十載外擬作釣魚船

同前韻復於焦桐山小午停棹見呂而遠十章先成迅筆

依永和之

別業牆東外雲帆葉葉開石松留野種烟火重山推好友餐眠

遠伊人日夕洞何崕江畔柳風鬣動髮鬣

睨壁還秦事鳴鷄放夜時更無雷斧誤總與月簑宜縱鳥知陰德漸鴻尙野儀殘山吾自寶皇路想清夷

水馬逆流情蝸牛黏壁行伐檀銷坎坳舉木重丁嚶已負遠遊信莫辜誓墓盟黃松與赤石顛倒舊時

羣峰富兩都烟草卽蘿圖豈有潛龍拔而愁澤鴈呼十錢魚數尾百合酒盈觚落落現頭白癡人怪隱

盈尺然疑遠隨他大小言藥方神發夢秘府鬼當門竹葉青能洒鹿皮白始尊鬚眉慙水鏡更不洞人垣

香海百塵中危檣一葦同不知江月豔但覺夕烟空鸚鵡石窠穩杜鵑春頂紅此間無蜀道在處可焚臙

海大失安流幽人出自幽巢民甯見許松子不封留恕物龍深

臥仁心虎夜投應知貰酒者愜意事糟丘
悅草知真性迎風立釣艇家應隨眾汎人久誤先醒客夢魚通
枕禽經鶴過庭可憐開闔手漏此崑崙丁
何必固江所是間大有魚天標麟鳳屑人棄鷓鴣餘孝秀忙青
隼乾坤開赤旛想因車後下矇黨未爲疎
魚釀兩安便真成樂志編欲停欸段馬聊借龜齡船書社辭二
百桑林過一塵偶聞市里語謬賞小羅天

癸未六月紀石青將入都過焦桐山懷詠因次韻四章

天荒雲樹爭人馬共幽行出峽石帆定穿崖銀鏢驚畫堂留艸
本野竹淡時名不意公車路能紆丘壑情
羣峰儼欲翔宵月爲誰光水市江魚白風巢石燕香擇冠懸巖
序岸腳浸滄浪應識神仙倩褰船過日傍

桐絲猶徑尺香餌枉千尋把臂人留契銜杯鳥造林當終依鶴
信幸不惱猿吟去去王侯者憑他金玉音
偶然成異境果有異人求鷲鹿相渾路鷗鳧共濟舟君王親後
少山鬼重幡頭忙暇看今日幸無芳草留

別紀石青兼寄懷南書

經濟方開塞波瀾及看山能紆百里道已破千重關世事馮神
膽聲勳繫壯顏知君家老子遠興未曾刪

夏季王豐功北征舟過蓬萊峽夜中言別二章

石鷁何堪問春秋今復新棲遲丘壑老膽智孝廉臣出處
節間關報所親披裘五月者諒不爲家貧
叱御爲君父絕裾豈子情入林難把臂杖策事孤行志壯神明
護賢勞襍被輕應知天下事當不負平生

同劉賡美林孟惠有作用壇潮歌齊韻四章

江神避舍處風雨正開壇雷火焚書後精靈爲整冠一函詩草
細五月梅花寒石榻長松下居然畢所歡

小徑客逋月疎琴又到湖袖香聞曲磴野色動晴霄鳥和幽人
唱漁須舟子招自憐雙屐齒屢度惡溪橋

卑棲從短羽衰德謝高歌毒水一溪漲菱花雙鬢皤小山知我
老安石柰人何賴有崔徐輩談經時一過

木奴珠菜盡荔幹霧花齊果下開蜂市田塍築鴨隄出門愁蠹
草肅客惱鹿蹄自取沉香火吹烟上竹蹊

楊機部在荅州道中及淄河旅次各有懷寄因和來韻四

章

探巢驚鳥逝服艾許狙招道葉看垂落雲心頓自驕生留斷濫

畧道託轉盤臬熱鬧光天下如何向次濛

黃金同鑄象面背已殊箴不意雲鴻路猶多風鶴心抵毒珠力
賤睨柱眼光深拉折尋常事休題梁父吟

沉舟看棹過蛇蛻有虻憐放鳥依雲樹呼狙壘石田操春妻子
後鍛寵友朋前淵谷雙垂手能無負所天

不武慚鷄肋微文悟老鯨憂家有緯盍鳴夜將明跋蹇公歸
處蛩虛我獨行應憑鐘鼓力仰屋報昇平

林德侯方伯江虞皋仲放小集山中用諸子韻四章

嶺石知雲澹疎峰亞竹青客皆容入室鶴久不窺庭讀易逃舊
本量松識暮齡曝書風雨外一一讓園丁

瘞筆祁連似緯蕭田野宜鷄巢依丙舍鴨俸待秋裡已退老人
學每宗年少詩逡巡花事裏聊覆小磁卮

奉亦開徑碩人果自寬
荔裳深拔刺塵甌遠生寒
石角餘苔繡雲眉共草攢
偷生傭匠裏當不負鷄壇

逃雨從雲臥避人又鹿羣
入林深不礙藉草遠平分
動竹烟霞侶靜松湖海君
莫將空自在溷卻馬聲聞

周芮公書至知林素菴吳大車同游泉山諸洞自媿垂老
未登清源徒覽靈篇增其慨積四章

研壑游將倦屐床一喟然
半丘容我老千逕讓人先
不敢貪奇勝未能聞往還
青山青各喜在家園邊

欲借畫圖久欣看詩向多
歸惟山不厭病但鳥能過
天未存鄰舍金千典釣簑
極知籃輦好奈此短筇何

巖序愁無輩雲泉亦愛才
塵飛不到逸客坐能來
各領松巢去分將心藥開
雀猿聲未惡莫使王孫哀

白髮今如此青原何處山
家從楓葉冷人共野鷗閒
霞隊多兄弟柴門獨閉關
月糧四斗米聊足禦頽顏

三近與善二堂落成用高岡梧桐菁莪中阿爲韻示諸子
同賦八章

雲松各百尺屐齒自云高
覽古未爲遠懷人何太勞
鴻濛還老手開闢見吾曹
山水將迎處鸞騰動羽毛

貞蕪初貼岸靈卉已遶岡
以此破愚質遂成益智方
鼪鼯除借徑鐘磬坐開場
秉燭饒吾事更闌傾月光

昔此爲湯棘今真得董株
平看舟楫影坐捋蛟龍鬚
帝亦有深意人應愛晚圖
巖灘焦舍外可似此間無

見爾絃中意殊非爨下桐
材登小雅庭草初王風刪
定歸諸子標題屬老翁
鱸蓴與米價合不惱江東

寒威天遠近嶺色漏惹菁與爾共謀野當誰事耦耕嵩申除兩
室文櫓抵全城但祝扁舟者長無問姓名

騷客常尊蕙風人深愛我是知芳草意偏入野橋多魚鼓敲詩

羊裘倩釣簑何難更獨宿寤語與高歌

隱約雲雷意儻回大澤中經綸梅柳變聲教漁樵同師道推松
子天民尚老農一生希矯飾來在任江風
似我真無隱如君良不阿生馮天勘定道付鬼磋磨知己江山
在清陰梧竹多莫將新語意重惹舊風波

有答二章

道鏡如明月精魂了不關半肱移枕子萬里辨刀環石氣貼秋
細簪雲雜樹間此間微躍思莫吐與青山

雲水是何物著人生眼花英心驚鳥雀煞氣下龍蛇度世豈須

楫浮生莫問槎前來瓢笠者再與理根牙

有寄二章

消息一丸裹乘除數畫中排場瞞鬼變天下語兒同投足搜烟
霧開眸縱曉風應知太古蹟蚤與小窓通

蟬箏非逼暑蛾炙豈因寒已任見聞累誰憑日月寬新書銷鹿
角故事卸漁竿無復堪持送秋音木葉乾

過靈谷餞梅

垂柳今爲政徵梅無乃遲祇因時不暇讓與雪催詩避色辭黃
鳥偷陰寫竹枝百年能幾日星鬢共絲絲

寄吳源長少參二章

一水看何在是吾舊使君勸吾深結足問水惜離羣道有難高
隱人終愛少文濫泉深感涕何處避江氛

戲亂歸深臥辭君結小齋若逢作者意不聖世人懷夕照明天
岸流雲曉道厓古今星雨事話與夜安排

贈樵雲上人

鷄足山形可牛頭師意殊逃空猶費鑿安藏未銷書塔底行飛
閣松端坐放魚賢徒多解石不畏講堂虛

過雲洞遂憩後葛

不惜杖頭老何辭屐齒頻雲根隨接漢鳥語欲逃秦選勝亦情
累聽泉與道鄰山南桑樵美沔上舊家親

過石室小作二章

俎盟何可締鶴夢故相關枕漱頻刊語風瓢偶就閒天隨月滿
半人共鳥飛還拳勺吾堪老未須方外山

倦翮詎能穩幽期適未窮麋羣新接逕鴻爪舊書空選石安奇

字綉巢試鬼工何當疑客子破竇與雲通

偶然有述二章

出處窺人淺江山覓助勞帶偏縈四壁車做見二毛黃綺慙稱
老原顏倦語豪秋風新動竹開眼送鷹絲

依山纔一里過市已千谿鑿徑引樵誤穿林求鳥迹長虬爲鶴

石改築又鷄栖文隱既無當况云二隱齊

寄吳閩甫有作二章

道壩誰不鄙交澹使緣慳鴻意輕層嶺蟲聲秘小山夢題江樹
渺愁寄野鷗閒膠葛浮雲甚秋風與共刪

久不談堅白因君別異同江湖魚子性農圃鳥人風文在信吾
老官閒溷乃公捐書已十載勿復怪書空

臘月出江東登逃雨巖卽事用衡門棲遲河干漣漪八韻

同賦

昔曰捨身巖又曰鳥道不絕風雲通

絕梯當鳥盡迷嶺半雲衝不信拚身易安知鍊髓輕乘流穿勇

峽決帳潰孤雲深媿孫夫子璆然鸞鳳鳴

綿蕞爲忠信乖崖各孟門逃秦留短翮報帝誤渾沌示爾生無

累何須翼始鸞寄言垂臂者莫作傲王猿

翔葉易翻徑歸雲未定棲每當朋力斷當得鬼謀攜輾轉蒼生

共憂危天下齊殘年餘鐵石時夜莫求鷄

此道久當習安心老未遲偶然分石燕幸不損芝麋清福吾徒

領投艱天步知古來幾達者墜壑賦新詩

虛弦直落鴈瀉酒失崩河以此通夷險誰能廢嘯歌石帆頻狎

浪雲海久奔波未墜看今日亦知大雅何

摧山吾不覺異患豈能干騁足惡溪過迴頭集木難腰十新解

佩鴻楠古安磬所惜蹈虛者空談鳥路寬

爲愛小松翠疑攀芳芷漣疎防關禹步不死賴鴛肩山跨青坪

後人騎赤鼻前未將橫草意抱膝了當年

龍門如不改素沫尙漪漪似此飄風急何如掣電時青天收匹

練白手動枯枝枕漱真多誤波瀾寄五噫

送張日葵直指二章

黼展急求治王風姝迴淳何圖星緯迴坐與天門親道泰豺狐

靜花深鷹隼馴南方看霧鳥與共函春

化柄豈搖嶽安綏當攬琴魚龍明海眼卉木辨天心扇暘甘棠

暇披裘伏日陰相看無冷燄方信國交深

送劉司李按部二章

蘭籍半清冑無人車笈逢惠風來畫隼驚鳥下巢松荻約春尙

蚤瓜錢晚未供披帷何以告妹子若爲容
海國猶萋隰纓途唯炙焚啼鳥三尺樹威鳳幾時羣不悉蒼生
淚何堪赤斧聞迂儒徒捉鼻看竹誦青芬

集木篇

悲風懷曠野集木想其人天地龍蛇蛻冰霜奴僕身窮猿存舊
侶創鳥得新鄰豈不愛多暇其如交始屯安危秋聖葉枯苑岍
棲蘋踵息三分力道心徑寸塵穿巢看石蹟爲釜祝游鱗滋懼
傷君子微吟動鬼神觀生聆響急思過鷄啼眞入累緣無學還
脩倘未醇疾雷開朽樹燹火曝枯筠非昔之高躅從今知斷津
餘魚尋餌細野雀逐羅勻廉靜猶防物垂崖况絕綸楚婁箴婞
鯨晉傅謝恭申造化耽攻玉康途合瘞輪散才驚匠石泛梗滯
孤臣義命參商久權輿河漢頻鷓鷯輕一葦鴻鵠墜織綸後死

斯文怪先生遺行嗔黏竿童子試射影國工親捫舌聽鸚語磕
頭望虎蹲敢云高視下莫怨病非貧齧膝未稱僂巖牆亦擬循
終年歌小宛冰谷事千春

諸友漸辭出山獨與羲兆長民對榻夜坐月下聽鐘愴然

有作各成十二韻

月光隱篠窗暝色淡芙蓉已輟前峰屐乍聞初夜鐘長明未盡
散罇酒尙從容山鬼甯欺獨濤聲不待松挑鐙一榻共對影六
人從枕簟輕烟裊縑緗宿墨濃道書新改本旅債舊懸筇水步
船應卸溪雲確自春白頭成放浪貴客謝迎逢便作市門養假
爲鄰舍傭家園兒女好祇樹沙彌恭知爾猶愁寂能無深坐
重

寄曹遠思司理四章

雲霓屬望久綸羽幾時還四野蒼生涕孤城白日關狼心驕語
撫鴻澤痛多艱何術能蘇世容容立小山

自我不能勝空漸郊壘多山川驚

盡葵園柰馬何可憐避

馬聞初退寇氛想未平紓憂懸國賞

路長松逋客盟浮沉狐兔侶不羨

愛爾真情達高堂况有親一官如客寄千里念孤隣世治當相

報言深未免顰除將盜賊盡罇酒敘風春

答友勸駕二章

晴天青欲染著筆老還孩略假詞人致聊梳山院齋放鼃銷腹

篆歸鹿隱腰牌何處舊相識千金買陸釵

天意欲平晚吾身親見推四方瞻靡騁匹馬去何之賣卜西州

市投金東海湄慙慙扶竹帚賴有石牀知

答彥升臥子有僕并諸友八章

陽路生春草春風殿小山王師萬里檄神武九重關野外蜚龍

滿澤中孤鴈還焚香看北斗一夜髻全斑

十月到正月長安音信稀豈無魚鳥路坐掩柴桑扉奮翅嗟衰

晚投鞭賦式微健兒天所護試與誦無衣

生世逢明主孤臣真不才一官慚柳下

血詩書紼鬼胎此身何處致

豈有才方盡而關命始通星躔甘老賤屐齒擅穹窿世少赤松

子天多白兔公耘鋤方不暇牛飲易爲雄

遽瑗難爲學狼臆安可爲君恩除瘴嶺馬骨重車帷吾鼎自尊

足鶯鳴漸解頤持茲報日月不負北山詩

勞生良未已殘夢且迴環以爾無波水澆茲多骨山耘鋤千載
倦傭築乍時閒孔墨悠悠處石門總不關
休糧胡不可力食古爲難覆掌收鷓供垂飢見虎殘何方蘇藥
樹無意事金丹十架圖書在眞同黃葉看
朋緣除盡處孤往意猜疑道岸牽魚藻雄風斷釣絲鳴夷生
晚水鏡老仍疲悔說當時事元言憶橋師

再答彥升臥子四章

餘生依宿莽微力念穹蒼風緊南鴻絕霜高北斗涼呼庚緣賦
重棄甲爲兵荒浩嘆看新麥秋時不可嘗
練要寡人事繁多惱帝心太行山子涕小隱老猿吟戎籍折肱
甚地文杜德深不知湯火裏果否問遺簪
捐軀何所惜於義未全安改火逢龍禁週飢味馬肝白頭塞北

夢赤子市南九莫以斷船楸而當快馬看

喜見小園面猶慚行道身絲牽穿薄鳥藤罽隊崖人寶鼎鑿鑿
樣畫旂豺虎鄰誰從鋒鏑下更與理灰塵

和陳宣子安石柰蒼生何六韻石柰韻
轉青灰

飛鳴何處可飲咏此歸磐世泰吾將泰安我亦安投竿仍跪
石伐樹再生檀五百垂絲髻論才千古難
歸歟思素業弋者讓青冥陋巷旂常穩空山鐘鼓靈一心支世
力五緯護天經猿鶴消愁處風涼月滿庭
刀盤非細物屐履見通才六子能相厲同人久不猜書無辭穆
契坐豈別靈回絺繡公家外衣裳各自裁
若華餘夜色螢火引書光飛鬼行千里名賢集一堂太牢看緒
語小草命扶桑述作吾何敢辛勤答彼蒼

已倦津梁事難收射御名河身徐曲折月魄澹虛盈水鏡隨人
照石田付象耕應知來可畏磬折老餘生

寤夢消年月殘碁爛斧柯文心看變海道壽足清河杵白三生
徑營巢太古窠元黃今靡定天亦柰人何

甲申元日集諸友分賦明誠堂用陳宣子山川分動靜雲
漢合昭回爲韻伏枕遂成十章

長天何所極故宅有青山與子不相放同羣復往還茅茨開晚
運藥裏振頽顏再作儒生好揮鋤坐掩關

板蕩思苞葉橫流念濟川崔徐窮巷外樂管古人前以此存三
代於今見百年可能容夾壁在處有宮縣

羲皇雖已遠清灑未全分一室千峰入微言天下聞絃歌林鳥
意風俗海鷗羣不復詮經史蛙啼眾所君

日出聞羣動齋居知曉風假年猶有過於道未爲雄少藉安棲
力全收不鬪功何能更四騁釣鯉弋高鴻

平觀滄海靜臥數遠峰嶒燕破短簷壘鷄啼中夜鐙起衰誰信
得扶墜我無能尸屢看頻滿深慚荷篠籛

營生知己澹觀世足浮雲縱復長茅屋何曾失鹿羣伐檀銷往
責樹蕙表奇勳頗有華嚴意淨香時與焚

竹意欲侵漢梅風初破寒雖無繁澗好卻有寤言寬養鳥辭清
俸懸鶉監素餐當年萱徑裏紙帳與蒲團

羣峰晴自合丹葉老隨酣少味留青簡多心謝白蟬雷霆踈起
草天地落空函勿看人世芒屨盍艾簪

醇風今未散古道此爲昭束筆除經論扶蘭理藥苗人存柱後
影道罌樹前瓢不向魚龍約鷄啼自上潮

香塵天外落眞炁斗中回不信金門下能如芳草隈
親長見面禮酒數追陪卽此成家學雲青日月開

明誠堂初集諸友分賦陳宣子得雲盡山無際川歸海未
盈因用爲韻遂成章

樵徑憶鋤雲平林記鹿羣世緣難簡盡道法此勺分出聽魚相
沫和雲鶴自聞不知蔬水外蘭芷爲誰芬

老當閱物盡始覺少年眞鹽米伺前道茶瓜飽近鄰青鐙中夜
夢明月舊園貧忽忽廿餘載空稱侍從臣

碧血洒空山微名烟樹間白頭粘骨肉丹荔失容顏石砌除花
徑風期掩竹關誰能長遠膝百歲老斑斕

佳氣幾時無眞形別上圖黃精穿峽細赤翅入江腴雲母將松
子崖鞭走竹籬於私良足發山水未全愚

眞想天人際無言桃李蹊深沉慙駭涉博奧謝童奚道轉衡陽
鴈心驚北塞羝猶愁風雨夜盍旦溷鷄啼

白髮縮逝川青雲失舊妍龍蛇常晝臥鴛鴨喜行眠頗悟易無
諍聊云詩有權欲將深冷意播與熱中禪

倦鳥適遊歸勞人欲掩扉交因親離合靜與簡相依不恥無聞
博猶愁未遯肥劍頭書老易草草動斜暉

孤棹凌人海餘年愜小齋鹿車移礪水鏡鼓避丹崖自我成無
學知君寡所偕偶題元散論頗中白雲懷

瑤草堪耘未空山信采薇路經人過少書并鬼啼稀北闕虹垂
玉南巖豹解威下層賓客外別有坐魚磯

案戶此盈盈淨窓當百城心微鐘磬合道泰龍蛇清日月推先
覺義文畏後生應開列缺路更向頂頭行

又和戴伯闇八章

里門新卜築仍是古鷄壇開徑招松侶傍籬掣籜冠一泓私倒
影九畹共耘蘭好友能相遇扶筇慰蹒跚
昔人尊石隱近代喜高禪不識多心義但看無累天畫前龍馬
篆刪後蠹魚編愧作千秋夢枯崖冒鐵船
蛙鷓春不乏鼓吹未聞函已覺名根盡猶疑聲氣酣人窟鉤比
曲行但青於藍鹿豕相將處南山南又南
白髮今偕隱青衫舊日過研池搜墨暈瓜隴逗烟蘿去路漢無
極歸人江有沲清歌燈火夜每一問如何
櫺具久相笑巾車老復逢家僮稱姓字客作悟惇庸細雨觀朝
權靜心聽夜鐘莫愁青竹杖未得作乖龍
交讓君家樹連枝各禮臺曾波魚脫釣千歲鶴初胎退筆高南

斗落毛細九垓微醺人散後相眎亦悠哉
彭顏相較半季孟我當安獨立頽波易藏身亂世難無名焦葉
好有道綈袍寬雖鑄黃金侶相將百世歡
廿載風塵事銷君兩日書明珠分寶掌芝草動龐眉昔擬烟霞
侶今推農圃師勿云信宿外復作北山移

和林守一四章

積雪當門少春風入座寬畫圖逃下澤版築動危壇烏破烟霞
障人開木石肝姚江冰水後莫復長疑團
廓爾青雲路皎然明月襟伐檀今不惡禮樹古誰禁丹漆家人
夢鳳圖夫子心勿云經岳外別自有崑岑
魯檜豈云創嶧桐亦此風已教從澹靜端不墜虛空遠客青山
似明河秋水通可憐雙白鹿兩地白雲封

黃真乃集卷四
多古宿樽酒共攀躋訪道京泉髓問心長月倪禪奴歸紫
荀詩勝遣黃鸝對榻相逢好無勞語絕梯

和陳無枝五章

階地盤桓起岱宗風雷看試可雲水序功庸自我頻焚
草知君多種松應愁賣卜者從此問朋龍

天民良好德衰鳳且高歌入夢蛟龍少依山猿鶴多解衣扶九
鼎洗黛看雙蛾破卵迴車處歸然舊鳥窠

未能忘我輩世豈不清平出火知文玉涉淵見水精天同野
意雲澹曲肱情在處聞神聽無言愧友生

保得腰無恙况多柳數株負薪金不顧伐木酒仍沽書社三江
遠雲亭四壁孤敢因諸子在繆引端門符

難採藥祇敬自維桑道遠詩書在天高魚鳥忘樵童通聲

論廝養誦雲章疏附馮誰力翩翩感雉梁

和胡仁祖六章

卜築豈吾事樂羣眾所安嚶鳴從鳥和新泚取彈冠絲竹青松
外烟霞碧嶂端四方看靡騁聊此共開壇

談天覺詩書各舊題看山慚造次倚杖失追躋刪述千秋
徑耘鋤細草蹊除將日月裡無處問懸藜

路經雲過桃枝送雨來丹函辭草創小帙入林開野樹飄秋
麥江流漲熟梅因無浮海興風浴此能裁

世道疎樽俎庭隅結遠厝烏紗除曲謹白哈便清狂雨過琴書
潤花開鐘磬光步筇資膂力時一念穹蒼

日出園林外鷄啼風雨清言當千里應心與數峰明敬信殊方
合靜廉世路平芊裘魚艇裏各不負平生

元聽輕舟杵禪心異鳥窠門無稱闕法天有選才科寶樹因風
長道山入座多請看謝理曾奈石頭何

和商諧仲四章

燕雀千秋意蓬蒿一日開空青羣嶺合絲竹小山迴海表龍難
臥巒頭鶴乍來應藏數斛酒遲看歲寒梅
翹館誰開路吟檀共掩扉東臬新好事北郭早忘機覽德依哀
鳳占星報少微藝蘭能幾晚半畝也光輝
道味水同契心花雨自開蕭疎方外理甘苦意中劑鳥山
夢松鱗百世才因君談要妙不覺起徘徊
水鏡各能照明誠共此工靜中觀物悟定後與天通雲磬清深
夜木犀香滿簌諒無言語處不在冷江楓

和商元剡二章

久不聞鳴鳥爲君解說牛人皆看意匠天不定鴻溝帆影知江
樹雲心覆石頭明明霄漢路鴻燕此偕由
不識猶龍面猶知問禮年况逢霖雨夜正在鹽梅天書帶輕含
霧墨花細入烟相期風日好歸路江

和胡元居二章

好古還吾黨疏蘭繞碧虛人雙橘樹天護數行書漁火頻開
棹蘇門未徙居初應不少高枕復何如

遠木末數星高古意明於月浮名細似毫乎
在香膏環佩相遺處清風滿夕臬

和四章

知物始綿陳因松
來各不負孤憐

濂人地偏百川齊赴壑一斗自垂天麟

湖爭論前更無清妙事可以謝韋編

微言良不絕精義古無多礪水丈人論風流孺子歌相

入碎未焚和世道差池甚鳴鳩莫漫過

肝蠻神鬼喻精誠祗此考槃意翻成鳴鳥聲幽求知道

妙古處見人情安樂行窩在追隨足泰行

和張章垣二章

何敢標名榜聊當結小窩靜知環堵大悟覺片言多拳石明孤

掌羅峰襯兩岷卽看叢竹裡時共鳥麋歌

報天子塵途屬老成荀袁從叔度樵牧溷初平蠟

巧鷄碑撰述精應知文少室冠冕在先庚

東崖以講章十篇見示二章

未有契

談何易交深道不疑天

氣

上王

泉時無是鹹酸事外人那得知

畫寶氣與君同靜夜聞檀火深春發惠風時

道長謝蒙公貂續吾無賴開章愧國工

答方仁祖八章

天山光漾管絃去天垂一握報政可三年集

渡河虎偶然因尋循吏傳儻在晉陽前

轡及燕雲風雨綢繆後關河聲息渾蒼

惠儒者賤奇勳

花徽在居然虎豹軍

壘恥豈應鬆自救眼前却非無清夜鐘千

一履鹿門蹤少請丹砂漏逢人訪赤松

浩蕩契闊總多各自見標格似予無枝青

白地少儒師道遠難相贈床頭劍影知

夢

斗看無用章河急自垂量

山下楸 所師

臭 不合呼朋引

威焰者抱膝坐寒

道豈勲名著生依煙

存天地因君老歲華

帷幄力空費疆場心鞏

采芑元老或知音

陳獻可來自繡水適與明誠堂會偶成六詩附便面足長

晤話也

移山洵靈異避影為朋來遠客乍相叩柴扉不敢開望崖人已

反張樂鳥初迴此意如衝雪森然數落梅

久矣無爭席何當再掃壇名絲穿藕斷道瞻入 大地初風

簸微才積葉看為誰閒去住空谷爾盤桓

孤鄰從此信恐亦有人疑鳳睨秋梧冷蟬呵白露嫌剖心難到

骨同面少推眉老去無多學雲泉木石知

君自為精爽株人安足游寒鐙鷄語合伐木鳥聲求已錯幽谿

路而多明月投稻田春水畔儻不繫漁舟

馬鄭當年事區區都養閒曾樓無算手半壁祇青山浮磬此中

出筮舟何日還相過如不厭別與共茅關

知爾不能薦為無獻納權樸心衝虎路貞氣下蒼肩鼓笈二千

里擔簦十二年親朋半天下不乞杖頭錢

送陳獻可還繡水二章 帖錄

黃章甫長安四三

五言律

下

愛爾輕踰嶺憐予祝滿簪真文無隱處薄往得幽求紫炁隨鴻
杖元書倩蒨緱何方穿越嶠徑下剡溪舟
經思猶室遠道淺信交難江水疎喬木秋雲冷籜冠鳥啼獨影
路天破眾朋團從此焚雙鬢蘇門未穩看

寄陳雪灘年兄四章

石頭山寺飯荻港主家船與世同無責看誰更盛年蒼生今不
恨白壁遠相憐每見南來鴈掀眉一唱然

升沉皆偶爾默處得從容昔假爲當路今安知所終鳥巢知宿
莽蛇蛻繫高松落落江流外愁人聽暮鐘

西歸常不得遶樹幾安棲但覺綢繆拙應知風雨齊乾坤青雀
纜茶米白銅鞮小醉須深臥莫聞中夜鷄

耐事真朝貴閒愁信野翁便身遮小艇佳氣漏秋桐述作仍無

賴餐眠稍不同何能更雄健叫爾念蒼穹

四月龍江逢孟長民泣任潮陽艤舟過鄴山同張勗之呂
而遠楊季夷魏元方用云誰之思爲韻四章

昔當辛壬之歲筮魂未與浪跡江湖之上反棹殊期餘
魚羊裔以俟河神逸鹿投頰而驚庖子雖相從不舍季
常之侶能來而親戚乖離謝過之歸可歎時維長民孟
兄與子晨夕自鴛湖以抵牛渚擊楫和歌繇白下而憩
西林篝鐙問影貧病不輟餐食相依洞庭彭蠡之險無
間於懷蔬糲瓢簞之涼不更其趣乃使炎爽潛移荷梧
遞落始割半縑分衿白下嗚呼於斯時也豈意登海之
市尙有樓觀衡岳之雲開其彌望哉及於青蠅旣散木
鳳隨翔斗酒之灑胥江前無白馬片帆之依巖瀨撫有

蒼松乃上孝廉之船一吐朱徐之氣天子問其何來公
卿知其從我猶且不樂承明出從百里裁歌以誨武城
調絃而棲單邑有車指南將歷鳳皇之丘於我權輿載
訪蓬萊之峽爰追昔夙共拭沈瀾濯足而問仙舟採薪
以逢漁父雖揚舲擊汰蒼雪之致云殊而泝泳裴徊兼
葭之情未遠也嚮使弔湘不反三山之芳草共怨王孫
卽令紉蘭未歸七洞之衡茅亦成馬肆又安能維舟投
轄以繫相思越陌度阡而成講舍乎嗚呼別經二載緒
列千條無德與汝粵有間關之詩有道能來是卽神明
之契灑雪之逢浩日善繪難■朗月之值惠風私心不
喻道傍束帛傾蓋已白白頭旅次紵衣一日何會長爾
見思繁之多指亂知情至有不盡言也

尊佩移梅嶺招舟借鷺羣親朋不易得邂逅此難分烟雨江湖
隔悲懽猿鳥聞家人與僕子聞夢敘慙慙

爾得離初服吾今保一枝窮魚投釣後決鳥入雲時有道能相
見全家此始知龍關廬瀑外多少繫新詩

亦有剡溪意况多千里期爲官能澹蕩作客未淒其骨肉舊知
已神僊新我師林間數挺石頗足壯鬚眉

相慰亦伊邇無人知所思更闢佛火細潮退酒船移世亂蒼生
苦交疎朝貴疑澄江今沉沉可似昔維纒

劉遠子毛燕山二明府過蓬萊峽同諸子畱酌選眞臺賦
得羣眞來翱翔清風飄予襟蕭然吹殊香千秋懷高岑
甘韻率爾成之

神物無孤寄危峰亦樂羣偶然雙鶴至頓使九天聞花闕漁人

棹谿迴玉女雲不知何所似謬比幔亭君

不有鳴琴暇誰知谷口真能教忙勿礙漸與道爲鄰一壑留堅
壁三天重外臣世間幾淨土拳勺傲華岷

逝者滔滔去何須冠劍來爲官如當客小靜亦須才兵火憐山
骨龍雷護酒杯古人誰到此車馬驛中迴

春草看人事青山試與翻耘鋤難得盡欣往未爲勞已破千峰
劫能平八月濤休云抱甕者不肯學田稊

我亦逢迎倦聊從魚鳥翔幽人不化鶴媚草自生香道合存柔
忍天如寶亢倉當門拔薤者野意似輕狂

岸谷猶如故泉雲相與清溜深仙掌出谿暗魚燈明有客諛玉
案無人罵石鐘日斜帆轍亂恐不到江城

寂寞公超市紆遲樵子風縱無分上下頗自識西東繫食匏瓜

在清音山水同聞名身不見未得爲高融

書帶看無異荔裳喜自飄峨眉空妬畫鴈瀑失通潮從此常安

屐何妨別著橋浮家頻借初不損鷓鴣

得此真堪老無官亦起予銷將朋鹿願付盡祖龍書種豆更招

隱刊茅別築廬茫茫看日月轉水上蟾蜍

天外容開眼江流別灑襟眾峰不割血君子已盟心世若無才

斧山應字道林峨洋分破後愁絕爲知音

自昔辭叢桂千秋恨採蕭可憐數片石不負平生要猛獸中流

渡惠風舟子招葛巾深刺刺頗已近青霄

空谷能容默聞音殊喟然似逢開夢鹿欲退入秋蟬世道一尊

寄蒼生千峽懸不關豺虎處聊與論花絃

此間無不可所少遂牛吹宛亂魚鹽貴遯荒芻牧奇天應憐石

瘦津未許梁疲高會容秋月黃花對竹籬
破涕看莊叟清言意未殊聊通樗社夢莫捋虎頭鬚病馬常當
路癡龍數負圖請看漁父棹了不礙鷗鳥
初種數行菊已聞十月香黃瓜未解蒂石蜜慚開房斷岩浮鐘
外投竿沉磬傍應無餘水石更與鶴齋糧
若媿開園晚遲看翠篠千山虧巢父債向少禹王田正復何須
食其如未敢眠烽烟深處處石鷁打頭船
愛竹侵梅雨護桐法荔秋諒無農圃問試與狐羊謀稅少知官
淡病多分主憂因思長採藥霞痼未能瘳
石笈開雲夢幽棲愜鳥懷兵戈眞眾業鼓吹屬私蛙秦楚沙蟲
在江淮風鶴皆誰將千本橋當作老生涯
殘碁能不著斂手見才高濁酒旣無分深眠如醉逃蘇門傳戒

火梁甫誦投桃欲散悠悠事春風蕩小舸
高人慚物色白首念青岑不信麟鸞侶能無魚鳥心酒酸鹽客
散香退佛狸侵未識商顏外何方更宵深

曹遠思公祖至鄴山重證講義薄暮移尊三臺因用爲韻

四章

河山猶未改岸谷豈當移駑驥平千里鷓鴣明共一枝談經樵子
怪種竹老樵疑九折半肱在逢人不肯醫
已覺猿啼貴今知石髮尊一方安草澤萬里重葵園病保殘生
福窮懷亂世恩指困舊日事含涕與誰論
逸馬已難控孤螭不可駮現前樽酒在鞏後匹夫慙弓箭驚民
社茶瓜慰古龕清漳雖黑子半壁抵東南
洪濤未可掉卷石自稱臺入鏡鬼絲落如椒雀日開溪平魚艇

暇風急大旆摧世道聞笳鼓真令聽者哀

漫賦肩佛二章

眉彩生雲慶顛峰託紫駝奇書香象致寶鼎銅人摩擔卸三天
外環穿千塔多才魔降伏久龍虎意如何
菖供侔石怪瓔佩絡衣珠日暈輝曇音山瞳聳碧湖刷尖金膊
像笑俯下臍鬢幸勿輕時子莊嚴謝老儒

過蔚園偶賦得中也者

洞破一圜法渾同萬物居乾坤正鵠裏形色轉胎初潮至日停
午漏平夜尙虛閉門端几坐神鬼共權輿

賦得毛猶有倫

入細功難盡吹塵意轉粗雛生無殼卵麟湧未旋圖離日天中
失鍼神月下殊誰從微渺裏更便白毫顛

吳諤齋年憲見示賢郎庶常選牘因知中原動定六章

秦否關天運從違豈道謀如何墜岸劍猶作刻舟求插歸
後豫秦縱賊秋可憐徒突論空與國爲仇
內治資長算廟謨貴及時龍今看戰血烏未別雄雌加卵層碁
上將軍濫水湄崆峒多聖聖蟻馬不堪師
鞏後人才晚當先天步難黃金疑巧注白璧惜輕彈世豈無名
將家徒愛好官怒頤身老醜念亂日汝瀾
好武亦從眾輕文遂到今天荒白虎觀雷碎嶧陽琴賴爾才能
續愁子老不禁束園臥蚓看梁甫動悲吟
風林無靜樹亂鳥失安棲舊事不堪憶雄文未敢題眼光鼯采
借時譜劍花迷掩淚聽明詔高賢誰侶泥
莫頓飛龍轡深慚化鶴臣濱淵驚翠蓋漢室澹黃巾四海諸侯

遠六卿天子親根底看不動神武勒高□

再寄張恭錫太守四章

帝宇方傾蕩潰隄不易防彫民多害馬順道少鞭羊閉院存王澤開門振國綱十城當百面吾道爾金湯

為政馮心力訛言今孔多夢應看覺定人亦奈天何歲德餘牛斗軍容亂斧柯趨張當日事雋魯陽戈

龍戰天方蹶鴟音世所懷上林無曠騎下邑動腰牌直北風雷異騰山猿鶴乖九江能不亂安枕問高齋

世道猶堪挽江南未動時桓文連帥業申甫蒸民詩久治能人少無交明主疑每談舊涕淚梅雨細揮絲

明誠堂大會曹遠思司李劉遠子明府來證講約四章

斯道歸樽俎蒼生望羽儀樂胥來燕喜廉法為人師狸首停觀

射鹿鳴別賦詩窮鄉間見少芻牧共追之

欲證園橋約如看象魏來人心猶太古狂簡亦堪裁鹿洞如今

日龍華浣舊灰千春時一遘喜得數趨陪

美箭南山下光風北斗前毅中游不盡象外語仍捐長者皆身

教迂儒欲改懸似將干羽意遍與十方傳

零雨宜嘉穀害苗始可耘與誰談治本無策靖妖氛禮樂依鐘

磬弓刀避典墳聖言如不謬來遠試脩文

漳郡寇退寄候劉遠子明府二章

竹馬重迎日青山動色時遣黎看解佩畫鼓報寒帷花吐十

氣人當千乘師絃徽春滿處從此降登陣

名賢良不負半壁倚長城能使狂濤退遂聞溟海清蟻封知驥

子盤錯見龍精始信二康力贏於數萬兵

黃海浦集卷四
寇退因出銅海視諸親串

江石不可激枕濤殊未安解纓將短棹瘞筆事長竿魚夢開清
夜鷗盟結暮寒何脩穩履齒到處共盤跚

物態殊今昔江潮唯放痕不觀岸影倒安晤日車翻石蚌精華
盡天吳音貌尊銜山烟樹渺勿復怨王孫

一魚橫大海眾鳥睨孤林客愛幽人履天埋高士金獨吟杉子
落噩夢野雲陰技得床頭劍如開青史心

履一作橋
杉一作山

墓田維不給丙舍亦堪憐眾識鄭公里時無田子春游絲鷺鴈
隸潛火失鮫人愧彼鷹揚老居然壓約綸

蓬萊峽端陽水嬉賦得山光搖芙蓉溪鱗磐魚龍并用爲

韻同而遠最之季谷尊光諸兄弟詠之十章

甲申端午前兩日至蓬萊峽桃竹已華椿桐競翠一尺

二尺之榴綴其丹葩未開未落之梅函其好雨村婦裹
竹以餌龍蛇穉兒縮絲以辟毒蠱於斯時也漳溪之渚
簫鼓方喧大將軍燕客而集樓船都御史洗兵而澆醇
醴牙檣錦纜耀於江神翠鈿銀標搖茲游女誦喬木之
章潛知不可繹蘭芷之製謂我何求而乃有而遠最之
季客二三君子攜予長麈來棲山舍負經鼓笈以就人
師嗚呼旌霞沸浴下有曝藥之兒舞袖眩堂外有決藩
之子豈謂人皆木石亦云好異蓼沂若乃山莫最能野
騰穿後一溪舟子共承鄭公之風曲礪斂師咸集吳差
之市蕩予蘭槳賸我魚龍自三日以至五日結鐙幔者
萬指分波繇東山以暨南山觀堵牆者兩岸不辨夫好
豔而慕膾天下之情一也鮫父鼓楫以避屈原接輿行

青溪浦身卷四三
歌而逃夫子亦苦樂之殊致雖罕譬以難齊獨此一鄉
之民共有嗜芟之僻豈軒黎之媠母亦有豔容雷首
之從都君果爲羶行乎嗚呼秉彝之慕不絕於人悅采
之儀有如彼鳥九巫翹屣以禮彭咸綿上寒烟以脩龍
忌湘沉沉實爲靈均瑩玉招招非徒弟子以今况古
想或然也語云眾志成城又云水心蹈火誠得井闈之
內舊櫂同舟膚敏之羣朋心競進雖挾碣石以導渤海
踴焦原以出孟門猶或可爲耳而韋跗之士執弓趨風
脩能之倫養心乘影是逢萌所閉韃以守離島之山田
疇所隕心而辭盧龍之塞也情有別洽感則相從諒好
我之未衰雖殊音而同慨云爾

信有斷鼇足遂來無定山蛟何爲水滴犬欲吠雲間海客負圖

出珠人人市還羣峰應撫掌爲我故潺湲

畫水鏡歌細朝曦瓦石光有山未有此好樂好無荒里舍鄉心
重頽年令節芳是中蓬艾少不肯灑瀟湘

江市漁郎喜雲旌帝子搖停將胥海曲試作蓮花曉蛙部酬清
賞蛩宮破寂寥何如乘一葦明月自吹簫

半村翔鷁首七匝繞華英怪入中宵夢寒生六月鬚健客盤螭
跨驕兒繡虎符便將千里足化作短溪鳧

寒裳採杜若交臂失菴蓉誰取長龜手而爭不退鋒潮音疎瀝
釜濤勢澹飛松每憶闕水者眞爲高士蹤

炎飈時不散酣氣動青溪鱸膾輸官鮓荷裳報落霓垂條明歲
柳開夢午時鷄不識千春後何公賽此隄

微雨無垂瀑長江亦細鱗人留岸上眼浪壓舟中身
草忘時

節篠風蕩酒神醪醜深得不得野翁噉

鬪鴨甯成事漸鴻試與磐丹書潛卻約赤伏現投竿小草山仍
簡榴花石未安世間騰蹕與總作劇場看

滿客難逃酒逢官莫賣魚能安千日債不作數行書恩俗慙開
濟愁人欲媵子扣絃風雨外倘得傲居諸

涉否詳匏葉投陂負竹龍不爭一箭地未少十人從擊鼓馮夷
倦開山靈掌慵閒將娥姒意付與兩三峰

竹醉日同諸子再登逃雨巖呂而遠為賦嘉遯得天山風

雲通詩五章用韻寄懷何義兆

騰控翻多適艱危記所天童心青雀鷺老髯白雲巔運甕知無
用墜猿殊不然安蒲繫馬意試作此周旋

縱不談鴻寶何當諱小山踵分垂欲刺髀肉坐消閒非馬翻時

輩猶龍汗舊顏元黃一勺水戰鬪與誰關

未免營巢癖聊逃滄海風破香焚息焚止濕佩山窮鳥膝容人

戀雲瞳入樹矇若無諸勝侶身在細埃中

為主未成竹將人試入雲莫嫌鳥鼠穴亦縱鸚鵡羣穉子師元

豹愚翁錯上躋蹈虛與集木此道共平分

不信長安路亦無鱗羽通家貧宜賣劍薪盡合炊桐短屐裁衣

足孤舟阻亂洪為將元滌意并寄與秋穹亦一作今

張勗之同賦五韻因和勗之五章

枯樹豈謀雨孽蘿亦有天每將猿鶴俊欲抹絲巢賢捉鼻通人
願黏竿童子緣今年身頗健夢覺共蘧然

何當尊一足不忍咒殘山天地留飄瓦神靈倦解環條桑家未
遠種果日多閒便改採芝徑為題明月灣第七句一作

以我蒿蓬意開人蘭蕙風研頭銷碣石掌底淡浮嵩集鳥嘗新
飯垂龍悵故宮現前餘四壁憂樂與誰同

驅石難填海無聊亦看雲三秋蕭未採十步草能芬逋峭留時
彥懸圖動少文自憐賣藥者初不賣新聞

度劫灰仍活鏤雲響自通縞衣占鶴客尺喙謝魚翁起簣今無
似驗方古不同諸君饒羽翮平掌視虛空

汀州司李趙我惟偕李寶弓至山中與陸夢文及諸子月

雨上逃雨巖寶弓至鳥道卻步六章

三過青谿夢居然舊日期山川今正好動止古如斯飲露尊蝸

跗御風寶葛締窮崖與遠道各不負相知今正一作隨處古
一作委跗一作蛻

深奧慙元滌翩娟亦此山偶因潮上下數與客槃還雨甚遊人

少才高官事閒汀州六百里車馬念閔關槃一作迴

驛道縈新采離人愴舊游到山能解帶焚艾未須撥別鵠輕干

里蹲鴟足一丘應知石戶叟初不苦幽憂

鑿出殊多怪頻過了不驚已消刀劍路不替烟霞盟山鳥深抱

足溪船高著晴能留逐電駕合與種薇蕨消一作平

弭節山山好飛來處處通世無太少室此亦明光宮結網時緣

木爲巢數避澤看餘冠蓋外恣與鹿皮翁好一作穩

折臂能無痛逢山時一醅青天收鳥路白水斷魚簑以我生涯

少知人才慧多江關看不見風景逼於梭以一作似

黃漳浦集卷四十四

詩

五言律

五月廿一日闢蘭谷洞初成寄胡爾房

蘭谷初成洞催詩欲去梯懷人不可見飛鳥與人齊溪鼠深閒
暇山翁老滑稽何時來過夏結足小堂西
移竹隨鄰壑千枝未足多傭鋤看漸倦鴿語偏訛枯瀑滋香
楊垂花散女蘿慙無逃雨處簑笠倚山阿

從蘭谷洞逃雨下山阿小隱二章

小雨山阿下巖花未蓋身乍如屐齒漏如覺杖頭貧土室容深
坐窮崖尙得鄰數間何可少茅竹較清真
崖淺無高遯蘿疎有濕衣人疑貪虎穴公莫上魚磯細竹青絲

嫩交薑黃土肥築亭猶未晚薄醉也當歸

山阿小隱偶作六章

佳處領其要此間殊奧深臨流人不見盤徑石能陰半畝新梧
院餘龕古竹林似當閉花片別與漁舟尋
咫尺通江渚杳無船櫓聲曝書來半嶺逃詔入層城山鳥時相
語巖芝遍可耕留將鐘磬意行一問先生

山阿宜小曲對宇似深村鳥喚人移棹雲銜石到門坐孤知物
澹春盡覺花繁不意層臺外居然獨樂園

愛竹如良友移松得遠朋逃虛吾豈敢面壁此何曾時乞漁舟
火閒分講院燈山中山更穩香氣老扶藤

過庭唯鳥覺於此悟兼山月白殊難卧林香間一還不隨大劈
勢故作小溪灣踵息深處處羣峯相與刪

何須深結足但得此盤桓不出三臺外卽爲千仞看羊裘初隱
澤風伯未驚壇半榻能無恙孤窗天下寬

池直夫乘暑過鄴山率爾有作

喜有高人蹟能通荒遯心移舟如看竹訪友不關琴十載焚車
久孤蹲領道深晁巖殊勝我百里未追尋

五月廿七日江東驚聞長安之變六章

滄桑非語謾岸谷已當身入世不知晉爲書深過秦何圖賣藥
者復作採芝人禮器深深處雲雷自在春

不惜藏書苦何辭抱石勞籐心緣太上峯氣入秋毫我作渾沌
癖人當堯許逃餘生無所戀漁父自江臯

江湖吾已老日月領雙丸魚水風波外鉤弦雲樹端不辭青荔
薛未損白衣冠殺華山者廿年空作官

盟壇何可作雄黨刺關東人欲支天誤天爲補石窮橫流無禹
力隕雨尙堯功到有空山好華胥深夢中
誓衆煩牛耳彈琴此一時真靈還有道諸子豈能知管葛花干
日桓花草半枝朱薨開破甕鐘鼓動吾師
不共猖狂去殊多點簡 石頭難渡海駿骨倦登臺柯嶺數聲
局昆池百劫灰成名豎子事莫付老翁裁

偶書示趙與蓮及諸子三章

趙子蘊奇抱衡孌擬正平文章賴後死景宋稱先生四十豈爲
老簞瓢真寡營方今天板蕩不獨爾孤鳴
脩名何可立蘭芷共爲茅遠海蛟龍怒窮山貔虎然奇音常激
楚旅鳥欲焚巢擊壤看他日相期桂樹坳
避世古多有凌霜莫厭寒中年雙足健萬累一絲看君父垂龍

血精神試馬肝青衿猶自在選石共投竿

六月朔日長安信至率爾寄友六章

虞淵誰取日塵海已橫波蚤計逢多諱危言恨則那有冠縣越
市無力挽天河何處堪欹枕山山寄鳥窠
勿復言圖讖神明閱物來望夷開海道射鳥上金臺教子申韓
誤驅人鶴鹿猜於今逢建武揮淚未須哀
王氣鍾山在朝宗江水流洗腥還太祖食雜侶成周天假桓文
會人稀管樂儔持危無半士遣嘆動千秋
海樹無和響雞啼非惡聲石頭天子氣都下鬼神兵日落山魃
舞江寒夜鳥鳴看人爭勸進躑躅負書生
汎汎河中木田田葉底舟葭灰明日暈劍氣白人頭畫輦開新
服除官藉委裘誰能更擊楫北望撫吳鉤

從此分淮水無人識薊臺魯運蹈海去壯士入秦迴昔日公車
道今秋禾黍哀不堪持蕙酒對爾更投杯

六月九日聞留都遺信六章

春陵新奮蹟幕府此諮賢宦少一函詔以爲天下先刀劉明禮
樂管葛罷餐眠每憶南陽事樓遲惜暮年

於我亦何有問天何所親英才無李郭舊學剩蘇甄六等滑朝
列二司滯要津規模須早建流涕仰蒼□

勿歎人才盡應知帝澤長雞鳴諸將嶺龍起紫雲鄉物力完江
左辰居慰上方奔馳從露次此意未輕狂

形勢資淮郢經營各上游還元神烈意定鼎伯溫謀王氣餘牛
首濤聲靜石頭此間宜用眾但莫漏吞舟

求舊崇今日鋤傷惜往時二南消煞運五百泮昌期有道麟歸

秦居方帝出師十年談此事慨未有人知

從此春秋始仍爲周室東人存大變化天闢小洪濛元舅憐申
甫孫謀憶鎬豐不知用我意可與尼山通

九月朔大集講壇二日偕諸友登黃巖用朱紱方來羣賢

畢集爲韻同賦八章

海眼秋仍白山顏老尙朱蘭亭昔日繪斜谷古人圖道廣溪翁
入崖傾靈掌扶應持新菊酒先與浸茱萸

未解麟鸞紱難忘耕鑿勳巖泉猶不捨巢許 爲 朝報入山
少雞聲隔夜聞慙將移勒意持別蚤歸雲

講肆初成業兼葭又一方癡龍難隱卧病馬欲支牀風凝石人
髓囊餘神禹糧新亭看手板誰與共梧岡

世道如將泰鳳圖信乃來人摻鍊石手天畏移山才起簣停鈔

藥藏書別築臺月多四斗米並與僕夫裁

雷雨逢新意烟霞未亂羣魚書江不斷鳥篆石平分山鬼癡朝服傭錢散墓文築關關底事荔薜挂繽紛

正有石堪語何曾我獨賢猥流多出谷小草動支天四海如孤棹千峯亦倒懸忍將叢桂樹擲向絳騶前

側岸多經史桃梅各主賓已通逋客意未捨故園身蹈水留思信開山讓鬼神追還馳驛使不似世途人

勝事此雲集趁時夙所箴微官慙小隱直木豈成陰入夢東周少懷憂南國深何如語梧竹同舍坐蕭森

九日同沈鶴生年兄及諸友登逃雨巖率爾有作六章

遠渚葭葭渺離思朋友親小山高不極孤往尙多隣野菊入秋晚村醅過市頻幸無猿鶴怨半壑自清真

蕭然餘襍被數竹也成林豈不念諸子其誰知我心芋蕞雞筍好苔蘚鳥利深住此能多少巾車老共尋

餐英分小碗賣藥上逃巖潮退溪沙白崖欹石髓函去梯全謝客欵夜半開帆新意留諸洞逢人載短鑱

齋糧猶果腹祀竈自高春此亦讀書窟何如巢鶴松半牀鍾乳滑小裹香泥鬆合遯平陂開罇祭竹龍

百日成三洞窟從風雨來前身巢水石本命屬瓶罍鳥意雲千樹雞聲酒數杯倩人扶落帽更倩與移梅

乍從懸度過平地喜公還肉翅吾徒共蘿裳若士閒頻穿小智徑莫徒大愚山多種黃花就呼松再掩關

十日再登諸洞更命意匠鑿山六章

鑿山猶未了未有出山期土室關千榻驚鳥別一枝江淮侵客

夢松菊惱花時長憶二三子扶竿挂接羅

絕壁成通道雕闌聽有無蟻王看驛使舟子畫巖圖作賦乖時

尚能歌亦大夫棲遲何不可老態自江湖

已識馬肝味況多鶴怨心耨鋤真別界毛叟老當今世過有人

讓園葵少共任餘生不滿百藜桂幾成陰

疎放難憂國登臨不顧家人才需濟險屐齒欲抽芽少試鉅靈

掌閒開鐵樹花此間能信過壁駟未為奢

欣賞吾無似同游眾不疑恐辜浴日夢聊塞素餐詩破壁銘新

課長鑣謝故知難將諸帝德輕報與蛾眉

枕漱非乖癖餐眠適所安量形師野鶴側杖問河瀾欲濟今堪

未持危古尙難成名豎子事判作鳥窠看

同人

甲申九月予以講舍落成集於鄴山同游諸彥二百有

餘人自朔日至於重九上下白榆迷雨黃崑諸洞徘徊

十許日乃感皎駒空谷之章誦登高臨遠之句黯然欲

別倦矣興懷况烟霞之泥人屬楸梧之惠我月食四斗

未盡瓶中日諷九歌猶驚水瀉李固都亭之歎况在日

前康伯破徵之情敦彼車下又况岍谷暫移雷雲交始

卜槃桓者无咎將壯趾以安歸香餌弱弓能無墜焉竹

頭木屑豈盡高人祖劉慷慨失足於鮮卑管邴從容遺

模於雲鵠若天將平治必有名世之英使海可塞裳不

藉鼉梁之駕諸友乃纏綿祖帳踟躕芻靈欲令鐘鼓發

遠訊適自日邊念此遐心齊於嚼蠟李仲元之留連謙
好豈盡鄉情黃叔度之暫往京師猶之問樂或可載其
蘓新諒亦通於漑釜唱子和汝喜起之寄雲松合性移
情絃徽之分疎島雖非助我寧不嗣音因用雖非助我
寧不嗣音爲韻語皆五字人賦八章

天夢失高枕奔車藉小綏世容安石在官豈藉人爲笳鼓無哀
樂猿鶴自繫維果然輕拔足千古負之推

煮髓通王屋棲魂到少微一車不肯載百藥送將歸龐叟輕諸
葛雲鄉戀布衣莫從牛渚裏閒說鱸魚肥

杖履欣多助旂常繡短鋤天河身未竭鹽海眼垂枯久坐關人
福淡餐亭道腴中流看管樂總亦兩鷗鳧

爲誰置作我樂此復如何白水愁金簡東山爛斧柯四支天欲

壓獨坐虎環多蟬蛻輕秋外園桃不敢歌

牽絲慚世業琢樸謝山靈此出不相負枯松當復青竹弓看射
鳥飴黍與黏蜓合過東橋畔鄰翁借酒經

石色果安不江寒水尙流趙河春已斷焚社暗經秋繡緝婦人
服狸狐月出游可能如半壁藤罍瀉猿愁

頽年煩秉燭掩涕護殘碁突出意難勝多經心所思穉松鱗不
細險徑鬼仍疑敝屣千金具留懸月上時

彌海誰知我孤山爲刳心遶梁分別曲半嶺度奇音世界資神
物功交付破琴所憐諸松桂千載未成陰

出山詩四章

九月廿一日偕蔣黃二閣老林素菴周芮公二吏部及

鄴山諸友同游清源南臺靈鷲諸山卽用清源南臺

爲韻識別

風塵不可避陶寫得輕清小證年來約看山分外明人煙半掌
業魚鬣萬家城已識蛻蟬意高於鐘鼎情
選勝千峯上談心一勺源神明穿半榻天地澹孤尊吾道未爲
賤此行毋乃煩悠然憶屐齒多折在衡門
斗柄昔誰指大江今復南未離羣物類聊盍小山簪象力奔雲
壑蝦鬚結草菴中原新舊事端莫怪空函
緣壁半籐路焚書百尺臺偶逢逋客至可有愁猿來旅夢頻孤
往巖花閒自開江東行不遠珍重且分杯

蛻巖西偕樂亭爲此山雄攬因用偕亭韻一章

此處信云好千巒日夕佳山根環鳥爪日脚蕩雲鞵最得巢松
意宜將鶴子偕能餘數斛米與爾共高齋

萬戶誠安枕羣賢樂此亭梅烟分水白竹嶼讓天青講德人無
礙尋幽眾不局莫將明月意偏語少微星

寄池直夫晃巖四章

置爾宜邱壑誰當廊廟人眉鬚金馬氣咳唾白檀身有道仍難
仕爲官想速貧偶然分出處不敢敘初鄰

卽此柴桑里殊姿焚車公不顧迴駕勒休移調鶴題禽

慶褰裳寒鬼疑蕭疎真太古況有古人詩

於昔誰相比將毋司馬徽刻泉分水鏡割釀澹天機有韻黃鸝
好無監青蟹肥因思分緇帶未報與蘿衣

優劣今應定多君此出山高碁閒不着小鳥數輕還穩卧人難
老沈吟鬢亦斑所慚新鑿洞苟且下雲關

諸友至三山分手獻可尊光共發芋源十一章

欲隱便須隱日歸安當歸出山能幾日採葛想多違短檝驚猿
鳥輕霜脆蕨薇何人更白首雙膝坐魚磯

似未了前業亦云理舊身溫陶殘客作樂葛老家人入世無深
將軍多遠塵閒將芻狗意細祝與蒲輪

注厝何須問熒熒經史間江河蝸子國創述研頭山日短行當
倍道窮勢自還魯連諸少作合寄與誰刪

時命如開柙防人說縱橫孤帆風一線客夢夜千更蟻海隨投
芥石田空復耕啼雞應有數草草莫爭鳴

酌此溫涼酒幸無豪傑心乾坤雙眼濶江漢一杯深不藉禹王
步能教虎力禁千春平等夢覆被偶追尋

破蠹思奇中投弓信偶然難將蝮蠅雨遂冷龍蛇烟跼脚崩崖
下開眸雷斧前白磷三尺棹欲挂伊閭巔

作易愁中古新書起地皇龜圖安卽序鳳鳥避開荒天覺人猶
夢日寒夜自長鍾陵風雨處已作虹霓光

祖述真年少山濤安足賢粘花青鳥粉墜葉碧梧烟天道藏弓
穩人才碎璧慳忽然思警句獸檻共魚懸

聞響猶慚木騰虛不及風華胥天去遠造次物同工涉險舟車
力倚山虎豹雄焚香閒體貼可在性靈中

亦作興時看其如舊事何鴻溝玉斧柄甘誓爛碁柯海噴鳥王
木天收弱水鼉誰將徑寸草化作魯陽戈

自此難安卧更無賭墅時事煩知食少才鈍答書遲小卷焦桐
畫長篇鐵篴詞但應存枕裡偶一展開頤

諒不長分手何爲與此懷烹魚浮磬裏嫁鶴石帆涯絕壁更開
逕洞門再結齋飛鳥來往迅儻不託齊諧

舟中念蔣若椰閣老歸買靈鷲碧霄締構未就略爲定中
相度陟降去數百里褰帆發枕猶或見之想念故山安
可弭忘因復賦示慶子四章

尙有山堪買居然石可呼長天垂片瓦大麓剩全圖入碎煙霞
隊避清瀛海隅上流人洗耳曾告赤松無

岫雲宜善卷荔薜自披衣破壁甘龍卧休糧見鶴肥起應中興
詔眞嫌長樂非何年齊結足掃石澹忘歸

奚忍談元白於今失管蕭鑄金留客少刻木借才遙石起天題
柱梁成海退潮經綸眞不淺僕子字文饒

憂樂聊因世飛潛共此身華磚日影亂竹院烏啼新霜落蓬池
淺鐘鳴春夢勻可憐搏火者卽是住山人

答黃閣巷方伯四章

昔者江州路蒼黃行心河山未改色風鶴已殊音表虜非關
餌懷鴉不用椹可憐榛蕪裡空愈古遺簪

禮樂銷王會干城阻免冑宵衣深歲月伏枕負烟霞飢溺蒼生
在疎慵白髮加不知霜與露何處護兼葭

雲卧豈能穩舟流何所歸念蒼無斂力暖稻少光輝野竹新拋
杖田荷舊製衣尙容雙白石堅閉兩柴扉

當世非無俊所生安敢忘淮淝空一水將相與誰同老寄山中
飯病迷海外方畫圖看不到濯足引滄浪

寄吳源長道尊四章

弓刀知稍暇干櫓問書生斯道果將泰於心何不平溪風迴火
樹梅雨漏冰城欹枕畱松夢蕭然謝北征

明瞻存當世時危安敢云人收橫草力天勒種松勳避寇畱親

黨負薪擾鹿羣間多招隱意不與螻蛄聞
掩鏡酬初服榷扉賞暮關懸崖無鳥度折坂有人還虎兕矜逃
雨鷗鳧祝買山應知鈴閣裏青鬢已微斑
勞苦獨賢者幽憂屬遠人青雲伊呂命白水巢由鄰世亂疑英
傑年深負釣綸幸聞霖雨手頗已淨塵

答夏韓雲太守四章

海國方披靡油雲未遍陰遙知解犢手深慰百城心馬力看垂
轡桑林聽改音丁甯傷繳鳥中夜莫哀吟
亦有耘鋤志其如衰病何長城依遂牧落日繫陽戈曠野天將
厭時清物自和幽人無所覺鹿豕溷山阿
苗意尊萋莠花朝釀雨風頻年奕世異四海羽書同寇退主人
傲烟深樵子雄勝師二十萬幸報北橋翁

人世多深趣藏山亦冷然烏頭留道力赤仄讓時權倦客欲佻
足饑人自噉拳可憐避亂者難給酒家錢

再得吳源長書知泉南寇靖四章

不戰歸仁者英風及比鄰豈資貔虎力坐睹桑麻春清麗山川
在纏綿人物淳果然千里驥足下少飛塵
畫閣無安席單車過野巢山開白鹿路猿接絳雲旂權量存中
澤書聲出短茅合題寬猛論寄與惠文庖
不逞鷹鳩志應知鳳鳥威元戎事業澹長子道心微 馬新歸
塞捷音近渡淝維桑連咫尺何以賦無衣
世自憂才少未愁天步艱山深猶破浪海大此安瀾機息毒龍
就精通石虎攢勿教韋注者白日傲儒冠

壽沈巢雲太守二章

投世思良牧吾鄉有使君惠風千里至善政百城聞飲客江中
水將人天上雲隴頭桑麥本一一負清芬
天下真賢守明清見古人偶然虎自渡宛爾鹿爲鄰解佩琴書
樂焚香魚鳥親紫陽遺教後風土欲還淳

答蔣畹仙大令二章

絃歌非細故文藻亦雄風以爾爲令尹誰當擅國工花徽蓬島
外鼓吹真靈中樂事分吾黨新詩青鳥通
舉世宗虞集餘輝過幔亭液池風信惡山縣酒泉馨方土收儒
學波瀾補水經暇中多述撰儻寄與南翎

再答趙景之太史兼懷劉晉卿八章

奕世看多變絃徽不可尋倚門空說劍匡坐倦彈琴於世無爭
路觀生何媿心星辰照白水松影共蕭森

不壞公家事何愁天夢長平陂隨道命卧起悟滄桑蝸壁開明
眼鷗沙展日光應知良傀儻意亦苦當場

陰晴猶未定熙晦與誰鄰幸有邱園素能消物態新天多敘捷
竇世少飽颺人空使奔林者騫騰笑老臣

長材吾所畏七尺已支穹故事無多遠人心何不同干戈天下
半破碎十年中閉戶長思過重元後日通

知人良不易觀世莫須明江漢風流盡幽青荆棘生無方迴日
鏡有道寢冰城雞犬蒼茫外悠然想太平

杓意分南北青天變燠寒鹽梅難得手鬪構祇爲官拋掌崩崖
外投身碧嶂端伊人綸釣遠各向水中看

古道殊標野斯民誤往來將負戴業散得匏瓜材元凱防鄰
比乾坤託酒杯貪生不採藥免與鶴猿猜

方召今無輩穆清總廢詩難將寸管力空與六龍持幽徑白頭
鳥空山明月芝不知劉太乙藜火向誰期

答晉江明府二章

落景寡舒節安琴多惠風梅先使者發意與古人同鳥與扶孤
鳥雲霓慰短蓬不愁千里雪飛壓欵寒松
不敢辭明賜恐煩鱗羽頻湛波分歲熟線路得情親買菓歸愚
谷看松長道鄰空山如隱卧扶枕謝來春

自蘭亭歸別諸友

乙酉五月十三日○
見浙中倪黃合刻帖

幽攬看將遍飛音不可方掛冠應便掛防患豈須防冷暖看魚
頰浮沈信馬韁許多難料事合付與滄桑
昔賢高咏處今日草青齊勿復愁今日重翻昔日題海國龍蛇
窟山坳桃李谿應知羚羊角卽是駭雞犀

乙酉六月廿二日作於清湖舟中二章

棄國如遺屐愁生看奕棋拈香迎虎豹斫案斷機絲怪漢人
少官慙胡婦知怨啼辭袞冕樵子未爲癡
半生不帶劍千里事孤征國豈經書重家因骨肉輕中流推晏
子健者讓袁生莫說陶唐世巢由未著名

過言八章

鐵騎變漁陽渡河弓馬強雄藩不破猛士倦思鄉已碎江湖
夢坐寒日月光低徧憶鳳泗攬筆自悲涼
綏鼓無逃處經營慘澹來文臣不惜死戎略別徵才橫命皆邊
帥偷生總禍胎誰能從雪夜更抵藥師臺
令箭不相識妖星白日寒不周山已倒聚窟勢難安下卒輕囚
遺黎怨宰官無因持破瑟一一與人彈

自爾不能遜非關世不虞寒風疎劍術老筆誤真符彗出鯨魚
沒天傾威斗孤投身湯火裏蘇世與誰蘇

老驥真無力英心斷唾壺河枯雙轄淡鼎徒一絲扶良士棲高

閣尙公狎釣徒磨心逢虎兇揮淚立斯須徒一作屠

借寇皆無敵爲劉半左襟不才老馬顧微病小兒侵龍血荒天

地蛙頤漲古今孝陵松栢裏鐘鼓爲誰暗敵一作屠

世道古難料雄圖尙可揮過河宗澤慨守險葛侯機 馬輕濫

水將軍重鐵衣聊將墨翟意一破古人圍

終年談石鷁不肯放堅匏運命扶三尺時賢惜一毛文雞頻眩

影鷓鴣自珍膏又作千秋語漁人傲小舠尺一作矢

自悼八章時在婺源絕粒七日

昔年爲柳下今日見薇陽此道原無可於生亦不傷雪竄人望

絕金石鬼劑香莫信惠連後遂無日月光

樂毅未歸趙魯連不入秦兩書傳白壁隻字動青蘋得正吾何

憾微名世所親蒼茫樵採者不易寫啼磨

自我甘重繭爲誰賦鼓刀全生憐七獲結侶失同袍此事不經

見於心良獨勞長年孰正則垂老重依騷

已發英雄嘆仍多親戚憐徑當文謝後可在殷房前夫子甯欺

我甚宏尙有天春秋二百載研淚紀新編

求仁何所怨失道未忘愁故主日初旭餘生烏自投斷崖千尺

網一葦大江舟狂穉看吾獨馳驅答眾尤

天步憑誰仗狂瀾失一壺麟心衝駟鐵鳳掌落雕弧干羽柔無

力旂常凍自枯逍遙河上老頗憶鄭大夫

匡坐慚顏閔紆籌負管蕭風雲生造次毛羽合飄搖火厝難棲

燕江橫怯置橋可憐委佩者晏晏坐花朝
聞言誰敢信屢卜轉多疑截指留軍令開心割子期千金脩駿
冢三尺斷螯旗射兕當熊意君王安得知

造怨八章

寇攘奔馳後乾坤破碎時跨牆看越騎蒙虎視
上立談夜鬼伺竭來何處種箇是棘門兒
援鼓無鮑叔空卷泣子卿大人未叶卜小駟浪悲鳴不得詩書
力靈多香火情成謀與戰克沈痛負平生
干將非不缺悔未及期年投足崩崖裏料頭白額前橫行餘噲
伍疆夢謝祁連長嘯城門者歸然各在邊
哭世亦吾道支天未不祥單騎存古意免曹尚遺芳已結龍蛇
恨羞爭魑魅光柯壇三北事千古不能忘尚一作讓

臣子無知過何須問感恩眾人皆國士遺老自啼狼浪急田橫
島風酸用里園五侯新卜宅燈火各溫存

清嘯高人遠吹簾老嫗尊青雲生失樣白澤坐當門先軫精神
薄孟明心事繁不知千載後何處薦芳蓀

長途消駿物老驥敢搖頭七日秦庭淚千春漆室憂採薪緣有
疾離黍屬同仇莫以羊斟故輕麾泗上侯

建武無遺將春秋重獲卿辱金不鑄劍半壁尙當城草昧天頻
夢風雷夜屢驚最愁蒲鎖裏輟寢坐巖更

時發婺源趙淵卿職方毛元水別駕賴敬儒蔡時培二中
書相失寄示四章

火樹難開眼冰城倦着身支天千古事失路一時人碧血題芳
草白頭逐釣綸更無遺恨處燥髮爲君親逐一作退

左次猶無咎遺禽何足嗟羲皇生已遠伊呂使人遐傍草存孤竹衝泥拂落花龍湖天閉結痛殺介山蛇湖一作胡

海圻千枝樹天傾百尺樓辟支人自在無忍法何求木葉欣霜落山魃喜暗投從今無所繫大地自藏舟

搏虎仍之野投豺又出關席心如可捲鶴髮久當刪怨子不知怨閒人安得閒乾坤猶半壁未忍蹈文山髮一作鬢

至新安示趙淵卿毛元水賴敬儒蔡時培四章

冠裳不可遇繡緹日相鏦道為時艱卸交因日暮窮亂羣行異類急難少從容三五雞鳴者膠膠風雨中

羹沸猶餘鼎魚空剩釣磯居然城郭好頓覺人民非溪淺鬚眉照山幽薇蕨肥黃冠黃海裏望望未當歸

最愛羲之筆慙慙諫北征斯民甘墜壑吾道泣干城未約龍驪

夢先拚鷗鷺盟空知牙纛下草草厭書生空一作定

墜甑已離手高臺尙築雲何曾宗管晏未敢謝桓文勢屈龍偕蟄心精虎入羣莫將君子意錯怪越人軍

人日新安 帳勉觀梅花同賴敬儒作四章

人日亦逢梅窮崖香雨來不從邊外見偏向帳前開花碎馬蹄薄人窺鳥路哀含愁看城邑無奈且銜杯

恍惚猶春色全非春到時鴻門新舞罷羌笛小青移驛使乖千里君王悵一枝飄簾自去住莫與家人知

馬色明宵練郊園阻一方止緣山破綻頓使雪分張枚叔生無用申君死不香流雲照浩髮慷慨此霓裳

似此新相慕何如早別離西陵鶴去夜大澤鴈歸時對酒難共醉無言多所思胡笳深拍拍總為寫如絲

謁朱廟四章

師孔鬪無素希顏今已遲盲風初破蒂凍雨未離枝石泐雲猶吐崖傾山不移九泉深閉塞諸子將安之

濛濛餘今日悠悠與後人前生千畢命大業半扶身地缺龍蛇杳羣空鳥獸因得從盤古語爲爾一逡巡

不遂出師老誰討賊心一身毛羽化七竅鬼神臨筮遯慚焚草言同慰斷金行夷能自得渺緒尙須尋

良心猶未牯僞籍豈容碑已作羣書表不將四字移小侯誰敢命丞相獨稱師此義分明日悲啼一小兒

燈夕不堪遂絕粒是夜雷雨明日甲子抵晚雷電大作繞營不休凡三晝夜遂發予入南都六章

孤臣未遂志天地此離愁碧血看猶在靈威何所求奇書六甲

取間道五丁收曠野難逃處轟然在上頭

春水未抽梅螫蟲發憤來追奔如破陳騰蹕欲揚灰失七英雄事鞭山霸主才於今無破斧何以謝風雷

震虩復連夕蒼穹知此心山川驚帳星斗失田禽洧水龍蛇怒昆陽虎豹禁誰能呼九子別掃大江陰

迷麓餘吾在羣喧欲告誰拔身良不易失足已難追挾帳袁絲老排駝李廣衰看書倚柱者踪跡未希奇挾一作扶

甲子逢明日會朝未泰雷霆蔽江漢風雨阻清明苦節非吾學成仁報所生尋常餐寢事良友莫須驚

百五日方半重陰七七前幽人不閉戶猛士浪開弦鬼碎雲門鼓天投霹靂鞭鳴沙飛走處可似白登年

發自新安絕粒十四日復進水漿至南都示友

世共遺君父吾何愛此生焚香燒藁本拔劍割薇蕨莫乞西山
藁本一作屬草

老長辭東海清荷鋤與採藥難作古人情

割薇一作刈蔬

諸子收吾骨青天知我心為誰分板蕩未忍共浮沈鶴怨空山

曲雞啼中夜陰南陽江路遠悵作卧龍吟

漢壽亭中路貞明天上心駃騠千里少蟲鶴一朝深喪狗非無

主新琴別解音相看蓍草下神鬼共蕭森

未句共一作坐

為世存名教非關我一身冠裳天已定得失事難陳姓字經書

外精魂江海濱勿云崖上月偏照夜行人

首二句一作故國猶餘木孤臣尚有身

此道不為夢逢人問女安破舟知海蕩去婦說家難裸國驕龍

子焚山狎鬼官勿懸身後鏡但借眼中看

答訪四章

一作答諸訪者

呼蛟來水滴張網置庭中此道殊未學於人何適從金遼翻故

史汀嶺慟遺弓隻手耘鋤外空教羿昇雄

殘着已經眼胡笳時一聞顏行無列頸單騎惜離羣白水蘭真

主青天未喪文何人橫海上別遣水犀軍

庾子鞭甘草陶公上小船丈夫不愜志兒女倦悲憐薏苡除生

謗瓜蔓斷世緣所持恢復論無計上遺箋

勺水關大業彭年何所將暗龔逃世晚沐浴告人妨客債新恩

滿夜臺古處長何能長汎汎別竊野鳧光

廿五日既聽質予滯禁城尙饒監中趙毛蔡賴諸友分羈

兩縣遂不可面為覓襪被不得悵然寄懷六章

志士輕生死家人念渴飢知君隔岫後又似墜弦時風雨催塵

甚音書寄語遲夜闌寒色緊咬齒且相支

我亦無被服焚巢失旅人遶牀侵燹火推枕動勞薪忍死看天

意裁詩示鬼神諒無彈指處嘆喑向誰陳

乖離復別處知爾不相俱蹈死生無害分形志轉孤麟鸞收羽
尾狐豕共肌膚不得談辛苦陵園鐘磬無

世道宜摧散相從詎偶然飢寒關一日沈痾事千年曹沫奔齊
後夷吾入莒前商量千古意不在里人憐

低徊未遽爾恐以累諸兄跂足思林鹿哀原悵友生歸家猶客
路悔昔亦人情溝瀆相拚外知誰問姓名

餘生難得當往事已如斯人定天無夢心清鬼不疑身非裘馬
致命豈盤飧持勿以分香意慇懃憶女兒

殮一作飧

尚饒監八章

齋堂畱數椽羈庫此徘徊馬行無路幽人何處來舊宮尚食

監遺識單于臺不意六朝事千春手自裁

齋堂卽尚饒監

王氣疎楊子黃雲蕩帝宮十方除法勝半載開羣堆人事燒荒
外官儀狐鼠中福星難薦福何地是從容

帝子今安在空王古自尊嚴城天竺蹟祇樹獨孤園遺教青無
際衰風白到門從人瞻兩足悲痛動乾坤

內殿齋居日尙方申禁時龍文黃帕動錦字大官馳間賜伊蒲
饌特教外國知南冠今楚楚推枕一題詩

倘足張牀几非關禮貌多入林猶鼠藪在野卽漁簑人替僧無
恙官憐虎不苛稍遲諸束縛已覺近山阿

沮溺非尊輩什登良可人虎窠渾卧榻木葉卽真心古德燒將
盡今生墜有因不知誰姓字更與着天親

不得家常力偏行異類中天從禽演變人過鬼關同榆柳十分
火獍豺別樣風無由能拔翅一與問鴻濛

悲悔真無用高吟何所爲熾然談瓦礫寂地佩牟尼一死千經
教無窮百藥師華山山頂上棄杖有誰知

後死吟八章

天慙看遺老筮魂報所生餘生知有幾觀世未能平降辱經過
澹艱危入素輕此閒明淨路不使世人驚
割殺前朝事屢衝此日來帝心如告兆天意豈憐才求死仍無
創逢生多轉哀許多頑鄙事入夢久難猜
聃耳吾何敢彭顏各一時冰蟲脩篤論花蛻附枯枝諸友歸無
忍先生出不辭當年諸起倒未與女兒知
此事還真宰非關我所量精魂烏兔共變化治爐忙時至自應
覺道消夕不妨徧題溝壑句四壁也明光
往者未先覺今茲何遽愁百年自古有一節爲誰畱野潦紅

藜巖風擴碧秋尋常思不到潮水上江頭

滄海閒多變真人安在哉聞從鳥絕處尙有僧伽回姊子墜崖
好蘇卿入寒來不因吹黍律勉強爲嘔灰

立命關終食待時何所爲鍊剛繞指氣匹婦老人師決策腰間
劍掉頭坐下龜一絲牽挂處勿使後人疑

千尺斷崖路春容幾步寬人當垂踵盡道豈舍身難天蹶遲搜
藥龍傷晚入瀾莫將眉睫急俛首眎漁竿搜一作披
急一作意

右天慙八章爲二月九日作也予以是爲劬勞之辰崇
禎壬申以是日削籍踰驢出都爲衛士凌侮作重生之
詩及辛巳以是日枉詔獄作重重生之詩今又以是日
羈於齋堂故作後死吟及後後死吟免爰茗華不知孰
傷也

後後死吟八章

毒草嘗應遍神方寫未闌華雲河朔外經緯斗隅間顧盼無偕
往躊躇感獨難每談第一乘不作兩層看

久欲遺軀廓今誰戀遠盧衝關多劍戟結局賸詩書領得水非
火情知我是魚禹功何可冀江漢此愁予

一映知殊粲千春尙彌留當人無兩面迷鹿轉岐頭獨語神明
晤羣號猿鳥求殤彭何草草不易泚心眸

不應緣此去端爲何事來蒲鬚輕結坐桃核浪開杯弱水行中
涉明河耿欲回諒投滄海眼未著小山埃

稊稗荒仁種耘鋤漏昔年韋編看不絕木榻坐垂穿福報收應
淡天嵌解尙懸欲知十載學未禁此留連

原閤饒餘地榮期未喪家所爭爲落節不管別抽芽潮刷銀蟾

淚春局鐵樹花親朋彫已盡老我更何涯

從此能餘幾直須億萬身安期三夜話子晉九筵賓金薤書荒
落鷄魚畜古人依然消一割展轉與誰鄰

人事昏囂裏天心冷雋中松杉非遺雪蘭石不關風靡葛冢相
近伊涓志不同平生無所恨一晚呂梁翁

右毒草八章崇禎壬午亦以二月九日領戌出辰陽作重
重生詩今復作此正平云恐大禍之有再暮年嬰劇不啻

再三造物毒頻殊覺無味聊增言歎耳按重重生詩序天憐
毒草兩跋紀年互異

放年譜辛巳臘月乃謫戌辰陽壬午三月出京毒草跋云
二月九日作重重生詩是也他序跋疑皆後人竄改之誤

過飛來峰頻懷家洞二章甲申以
下附
移壑疑天妬摸形試石師難將一頃洞頓作小舟移欲割仇池
去莫令疏屬知泰山今破碎努力護殘碑

青溪浦集卷之四
三十一
拳勺真家寶飛潛亦偶然看多奇險事盡作等閒篇悔不開猿
定向留放鶴緣小山深處處合眼共芋眠

武林乞身有作二章

酬對關吾學行藏聽暮年更無逃雨處況在聞鷄前有道難相
易離羣失自然亦隨人例請潦倒問青天
如何成起立早不識東西集島分孤鴈危途試薄蹄一丘生已
足七聖老當逃歸築巖前路垂雲鎖絕梯

昔過西泠逢倪鴻寶方仁植命酌山堂未及三秋舉目

異鴻寶碧血已枯仁植棲鳥未定又聞留鄴二仙翩然
殊向率爾書此不禁泣然七章

慈老渡江後支公入道時笠瓢猶浩蕩猿鶴未淒其長嘯辭
馬清言里竹枝何當衰柳下更說東山詩

此去伯夷遠徒聞元度來故宮烟艸合野渡鷗帆開世事
花石秋風醉羽杯可能留客子等與鶴兒迴

江上愁心久湖中歌舞稀魚噉閒白鷺鴻影動斜暉畏見屋梁
月休探牛渚磯虛名竟何益空使蓴鱸肥

續夢馬頭倦殘碁燈不枯吹簾慙老嫗負局失真圖舊學遯荒
在新亭爽氣無莫嫌匡合陋試與問夷吾

不作禪房語疑然落葉聲杖頭輕剝啄屐響甚分明過鳥穿雲
細歸人恠路平誰能粘白骨長滯古先生

丘壑清時滿風林晴日多非關元想漏曾奈世程何鹿豕尊師
友江湖廢嘯歌昔年螺首者鬚髻已雙皤

盤餐遲翻嶺征車隔故山天無一日定人得幾時閒縛帚歸雲
路鐫書翠浪間猶軫稀羽翮不得數迴還

集玉山房同曹木上陳殷子有作二章

三過飛來石依然石未飛應知不動理卽與動相依齋虎眠茅竹醜風沁翠微王孫行向晚何苦尚忘歸

結夏龜三載乾坤異昔年石龕人自在藤峽鳥安禪墀下捫霄日巖前覩碧天同游能幾輩呼楊與更懸

同義兆旭如恆生埽除大滌洞用諸兄韻十二章

見爾開塵面重來非偶然排雲齊出岫倒靄與徐懸洗髓輕垂乳留香澹著烟青山舩事好記在剡溪先

豎竹解人意青霜猶自森交經患難細語到文章深午飯餘烏董微吟響碧岑莫將匡合念橫覺老樵心

古洞新人蹟殘碑異代烟家難籬竹外客不償猿前桃水遲通棹青山輟買舩臨西無限意恨使謝公先

江水賒畔岸峯巢恐著烟盡逢秦漢後枉說羲農前狂客題冰柱仙人刺鐵船一鞭無著處縱與犢蹄先

鳥翮扶仍墜乖龍去復回不迷舊口路難借比鄰才客恠鸞聲迴人拋鶴怨來現前大小隱不作八公猜

九折他年杖孤危七尺身不因交有道那得屐通神竹徑疑人絕藤香與石親能賒數畝秫爲寄發頭春

藥種新題譜鋤經未著方全將鳥不倒半與虎深藏撫掌泉入定掉頭石賣狂肉芝難餉客頗有夜明光

灑掃不辭倦幽尋未厭頻呼僮穿舊室召客賀新鄰石戶侵瑤艸爛碁冷積薪尚多圖畫意欲悉與家人

勝侶皆初服褰裳日數回艸頭霖雨意藤梢濟山才鐘吽村翁集鶴歸客子來世間惟雲樹不與石相猜

樵風喧石篆墨氣冷茶烟儘有題名者知誰著姓前不刊逃藥
路難卸載書船馭虎嗥亭事輕微世所傳
雲石關人事環迴共鳥身呼茶爲紫髓配竹與青神對酒心尤
靜無家山愈親不知壺橘裏更有幾層春
出處憑根腳浮沈詎偶然孤峯看不定碧眼已空懸世作灰間
芋名爲甌上烟洪濤深處處信在禹航前

甲申臘月諸友舟送入都賦此言別時劉念臺總憲陳臥

子給諫蔡端敏文學同有書留發

十章

微雪亦同雲離人尚惜羣棲遲懷谷口厯落憶梅芬鹽豉輕干
里杖頭剩百文何當頻擊楫相勸此殷勤
共有匡時責而分先後身平陂繇造物出處見勞人洗耳心猶
淨御風意漸醇長安無限恨盡瀉大江濱

我亦欲歸去君仍送客來江風縈細日氣澹餘杯佛手尊千

樹鱸魚戀幾腮何山看不改笳鼓莫興哀

土室不容臥危檣復此行高人煩教諫嚶鳥任飛鳴雲吐山根
靜秋迴鴻翼輕但言無不可隨著掃青坪

蹇作興朝寄權將管樂推吾生餘掌跡斯道少旌旗鑿石臨天
牖褰裳洗國池此行能幾日採葛念新詩

努力存王室何門可曳裾雲山當夜結雪髻入朝梳家散青精
飯人焚黃石書昇平如不遠灑掃待脂車

浮沈殊曩日風旨亦當年數節經霜竹無多上水船鳶鳩入眼
化麟豕共雲眠促刺淮揚道今爲寒食烟

從往愁丘壑夷猶繫小舟放心招怨鶴舉酒讓浮鷗用世非關
我違時已白頭洪濤十載外未取信安流

風色已如此南旋毋乃安小谿喧百槩尺岸老千盤隻手人無
望孤身眾所寬莫將翻浪裏相與共扶竿
時事無多恠寒烟釀百花燕因鴻入室蘆競筍抽芽灑洞留青
雪移風補碧霞朝衣輕試後何處不當家

同諸君登鷺鼻石尋陽明洞示麴子

四章

此卽陽明洞不虛宛委來出城看黝樹辯色得靈胎放鶴遲開
徑讀書到築臺可扶青鳥枕爲臥白雲隈

雲駕不須穩鷄棲未礙身平穿竹梢雨已掃石頭塵楷隊圍精
舍練光唼白蘋當年王許輩曾此藉苔茵

不過鐵橋路兼辭靈笈書中停分越嶠全體得王餘虎護新僧
院芝生舊木鋤此間無講席百慮坐消除

此亦有書意鷺羣混得名難移真石几不墜小天城半谷千崖

入幽谿獨鳥鳴東南乾淨地籃輦媼先生

宿吼山同倪獻汝呂漢常倪子新林公植陳殷子同賦

章八

攬鏡照山骨逃虛明客心魚龍耽夜靜梧竹喜春深去郡一船
月留人千樹陰不關石壁好祇爲愜幽尋

愛爾家園似看予意象同渾屯脩曲黛猿鳥下疎櫳贈客雲根
飯分人樵子風蕭然置枕簟轉憶在江東

開創老拳敏驚人石膽寒與誰爭水府不次奉漁竿蠡艇柔情
還胥濤側目看應知新亭榭卽是古闌干

我亦鑿山倦爲慙招隱稀懸藤棲鳥傲齋飯施魚肥世不宗茅
屋天猶重少微乾坤益沼裏帆檣共飛飛

管不游三洞今方得吼山蛟宮因鳥入龜竇放人還領下垂癡
乳屏頭隔俗關可憐白苧女不住月明灣

酒戶尋常有漁蓑隨在宜一方軒檻曲何處露葭知親友偷陰
共游鱗狎餌隨無當更汎汎多誦漾舟詩
泉石深相亞人天非偶然鶴巢常辟惡虎曰失安眠道竅日趨
鈍漸儀老墜妍古今爭勝事事不如前
一室幽人寶靜觀羣動歸添將諸逕曲未覺獨崖非畫艇隨魚
集環梁共燕飛長安舊海碇馬繫柴扉

過乾洞陶園

二章

石簣藏書處陶家酒舍傍飛泉常滴瀝細竹近瀟湘鬼琢蛟螭
窟天垂玳瑁梁高賢不可見古德臥苔牀
世道尊先輩青雲結小山蘭消香不歇人去古難還遺躡龍門
合殘書佛座刪當年朋集處吟嘯日潺湲

洋行同倪獻汝梁巨伯呂漢愆倪子新子封得大道與化

翔五韻

已覺秋毫大翻從鍼孔來官城尊象跡書府尼椰杯入袖垂雲
翼攢蒼承露臺無多向若意半爲研池開
鳥逕全生道人倫託有巢更無朝貴譜畧與野翁鈔渚艸埋青
鏡谿烟浸白茅此間餘一物畏有鬼魚哮
鹿豕憐吾與江湖慰索居來柴天不喪微禹我其魚官給菰蒲
少山歸椽粟殊無家親友在多寄數行書
鱗羽時遷化雲松亦有家與誰脩禮樂拔足近烟霞旅況三炊
玉遺封五色瓜看人城市裏幕燕共橫斜
翩然數葉翔春水自中央野色環三白籬花時一香鬢蒼漁父
似名姓老人忘歸去乘潮好裁舟字葯房

呂漢愆和詩有獨夜行師子之句因與同賦并用爲韻

五章

闕跡空山獨巖威四野同無聲宣佛力有道領王風不搏林間
兔時噓天外虹星辰照黃髮合挂明光宮
神燈懸不夜高座動金隄萬籟銷聲久孤峰注眎低林深無法
說月出少狐啼縱與羣生寐沈沈過虎谿
龍象無爭處人天各斷行戴星來化國銷暑下涼城震旦雷音
合鷲峰檀火清應知諸帝釋趺足事先生
爲誰除恐怖遊戲亦吾師定後神通足靜中人鬼知餘徒分鐵
髓末座失銅睂勸爾停三昧坐香十二時
現在真王子前生解辟支盧令歌卷美螺首贈光儀世騁有爲
法天留無礙慈莫將霹靂手閒作鼎爐而

東揚聞警

四章

江左夷吾少征西長鬣騰風聲按木葉漁火墜冰凌儘有推秤

意非無運甓能華山山寺外筍輦自輕乘

看山懷禹甸到處是秦餘茅屋搖靈雨天壇損道書桓文生不

競荆楚坐愁子莫怪三都客公然賦子虛

失轡龍難御長騎虎欲呼非關諸黨禁亦不繫匈奴月出狐狸

舞天陰罔兩踣老臣餘涕淚江水上雙孤

潮落引寒風新亭咽故宮清談清不到恨賦恨無窮一葦銷金

鎖千車斷鐵籠所馮洪祖力神武動遺弓

賦得經綸在泉石時在土城山山即夷光學館

五章

花雨通香徑疏渠得水經五湖無定處半壑有餘馨茶圃圍朱

檻松濤送畫舫何煩金體面朝暮禮直形

寶井芝生韻春風足釣綸已辭軒鶴隊漸與海魚親泛宅猶天

上羊裘亦水濱莫將薪膽事輕向快人陳

此亦有人在清音散客懷中宵松響甚啟旦雨聲皆便作流觴
好何殊垂瀑佳掩扉騎竈頸未必不乖崖
似應題玉倩不屑擬平泉梧桂齊開院洪崖共拍肩大人新作
賦秋水別成篇田舍猥相問下樓自在眠
世道餘松石園雲蔭老成巖花開竹爆礪鳥和茶笙舒卷人無
礙憂疑道不驚好乘明月夜穩坐木蘭城

夷光山再用明月松間照爲韻

五章

鶴跡沙痕併谿舟水路明居然縈練帶觸處護晶城梅遂因風
醉雲畦縱鷺耕夜涼窗紙漏寫影自縱橫
亦是苧蘿月偏私荔薜天敲魚通鳥寤借夢與人圓碧水皆成
鏡青梧未上絃何堪歌采葛更隔一谿烟
獨宿不成夢驚濤又四松響廊侵展齒種火動漁渌地主分花

飯山農辯晚鐘棲遲能幾月相約採芙蓉

通刺雲霞裏投身接應間雙鳧千綵鷄九里十名山晤語無多
遠探奇殊未閒因君思卜宅相對小荷灣
高臺宜晚照輕舸合低橋茗貴田應少齋多酒不消虛名生已
滿苦債久相饒但憶浮家外峯峯負老樵

質園賦得桂樹成連理有贈

五章

是處小山桂遂成連理枝弟兄皆妙質祥采應當時異幹生來
合同根天所私古今奇木對不與慧童知
豈必仙人樹而棲南藐姑千年餐一葉系世畫成圖滋德垂甘
露翔天感白榆勿將脩月斧輕割旃檀膚
叢繚雖天性綢繆爾共成不須深剔蠹狂處坐鳴嚶汜毓初移
宅姜肱晚出城黯河同此種會見子如罌

亦作淮南譜曾從百粵連巢烏看共乳序鴈遠同翩雜艸消扶
足華萃倩比肩好傾千日酌爲醮駢頭蓮

卽此標元理如舉三秀芝白眉恆繫馬五總共名龜荀爽稱賢
弟仲弓多好兒祇慙爲傲客據榻看題詩

小隱山爲錢文僖別墅放舟過此愴然感懷用其欄中唐

句爲韻同倪獻汝呂漢憲賦

五章

渚曲成通隱茂林滯小春鄉音同聽樂客憶各傾醇避地將家
好容身製艇勺不營田舍老在處有親鄰

梅子初開水荷田欲上衣舟車難造次茶筍自輕肥天放人如
鶴雲餐飯入薇乞身猶未得况乞好山歸

鷺海看將滿蘿衣尚怯寒鼓鐘關鳥運綸羽繫魚竿不信挂冠
易安知擊磬難可憐梁上燕各睨舊高官

不連肆應嫌張翰凝青舫齊霸國綠蟻卽鴟夷改姓猶成

市徑採芝老翁黧黑久任與妬蛾眉

海國傷鴻澤空庭畏挂罾故交成異代華屋冷疎藤客借農家
榻佛分漁火燈山陽無盡意感歎此馮陵

雨滯廟灣同獻汝漢憲公植殷子用意中明日月身外穩

波濤爲韻

十章

疎雨得微意留連長荔衣貪看湖水合不覺小山非青雀寒收
港蒼松密布圍因疑乘橈者爲此遠柴扉

飢溺殊從眾營巢莫此中雲門沈鳥路梅里斷魚筒納足憑舟
子皺眉問老農臨河愁未濟合念古人功

甚憶曹山徑穿崖水辯明能添三五尺未損木魚聲寂坐朋情
細端居游念清翻愁江漢漲恐冒石頭城

坐此惜長日能無愧主人弓刀餘寸管圖像剩青筠世道潮頭湧神功漁父噴買山猶不惡恨爾遠孤鄰

汎汎又經月楸梧貌故園野田頻狎鷺霞嶺誤啼猿借客橫生葉游人易露根誰云家不顧半載未過門

未得信中信常依身外身烏田存禹蹟箬笠半家人松子司清夢漁翁倦採真不留三賦本語次少精神

一杯荷葉外數尺越王臺治亂書中見興亡天下哀交新多客好酒散幾人來賴此淳風土鷗魚兩罷猜

恰有巢繇隱未愁泮水殷鉤藤封古殿釣艇傲皇墳浮海無多山已亂羣棲遲長白髮晨起自呼雲

綠野情難神淨素波先登歸鴨岸獨斷上鷄窠布穀催人舟柁客何恠看明月路不似故山多

憂泮仍梅潦寒船況石濤其魚夫子歎驚鶴小人勞
第烏啼惜羽毛大床湖海意借得與誰豪

初晴入二峰得巖居川觀四韻

霽色辯雲巖藤花倩木欂怯寒新月令熨火小春衫過岸餘櫻屐穿橋罷布帆時逢鑿石客教作藏書函

燕燕野人居悠悠報國書客程隨鳥引鶴髮與松梳戶繡枯蝸象田收放子魚新知思割宅不羨武陵餘

久矣愛丹壑於今喜涉川峰輻行次第水帶管之元與鸛謀雲戶爲禪給露田年年菱澈裏莫放賣魚船

酒榼憐如蕢游人字務觀筍蒲千足俸鴛鴨滿開壇行樂消官禁何僂信釣竿最憐家墅淺亦有客盤桓

用家園親朋四韻寄懷江東諸友并呈方仁植

時仁植客漳四章

水國皆萍梗如何不憶家虛名滋白髮老氣羨棲鴉再過看山
倦數行閱日斜閉門歸著述牆外點藤花

帶經初越陌輟講又鋤園兒女知無恙鄉邦得所尊飛禽時就
掌吠犬罷當門酒炙相資處清陰月下繁

已信乾坤細甯知魚鳥親無金官不貴有道老能貧陶令初添
子龐公舊卜鄰何時種棗栗果下展清曠

九折懷吾土三分樂遠朋畬田仍寄石籐杖未還僧東郭牛塘
水北山中夜燈付誰料理去於我尚忘能

題張氏博山書屋

博山亭榭好幽勝府城隅王許經過處靈運舊所都藏書輕宛
委載筆上浮圖勿復移新宅從人乞鑑湖

過桐山

亦有朝霞氣翻成梅子居依山開几席隔岸借碁書午飯菰蒲
熟秋風鱸膾疎因君思泛宅白日繫林於

偶得松濤二韻

餘勲宜品石未老合栽松卽此當筵飯不知何寺鐘殘花題晉
魏清夢理芙蓉莫向深山去攜雲寄短筇

遠意得清鏡元風澹素濤非關諸位置各已入秋臺鶴語通游
屐泉心攝小舸經綸深處處統不負神皋

質園讌集得水邊林下四韻

種竹遲疏水歸山總後期野謀除入夢王事不關詩遠火安巢
幕臨流約釣絲逢人商緩急勿與鷺鷗知

江烟疑野火閒眺亦憂邊縱不膺朝寄將何卒暮年大畜佛前
火鳥耘墓下田祗慙舊名字空掛布衣前

何處得幽林無名山自深朋從疑禍本游詠屬官禁狂至消狂
疾舟輕獲遠心幸多人把臂或不鄙抽簪
信宿層樓下牽舩卽有家山惟傍舍好酒記故園賒杯政翻經
論樵心寄夕霞此邦容客籍浮海倦乘槎

大亭山看竹得疎林驚青谿五韻

始識大亭路如翻越絕書不因王好獵祇爲石居諸曲榭飛灰
冷懸崖古鑿餘老僧能灌竹雲物尚蕭疎
百折屏風徑斷梯千尺深井公不好博猿叟失孤吟雲架垂芝
艸瑤臺墜碧簪誰能更採葛於此坐空林
若護玻璃國爲巡締繡城爲啼看不上屣響坐無聲船去美人
澹燈燒佛子清何須告鐘磬更使下方驚

茅簷不蔽雨竹隙漏溪汀客借麻姑飯僮鈇貝葉經荒藤從鳥

弔齋石避魚腥冷艷無多處峯峯自在青

曲室思蕭散鷗親復鳥齊輕裝依一葉折簡下危梯略救半山
骨間書舊馬蹄此游深造次何處問青谿

同諸友登越王岬四韻

官雨臨絕嶠高游古所無况攜諸友至何似農山圖折屐愁安
石分泉媿老蘇不知雲嶺外何地掛櫻蒲

坐此亦條暢何曾辛苦來人看新佛國雨洗舊王臺廢殿埋金
骨昆池疏石灰何當更採葛別去老天台

到岸不知節看山亦有神人巢師子國鳥度越王身甘食餘吾
輩高眠惜比鄰可將鷺鷥意向問老波臣

知止唯石榻辭家惜遠游貪奇穿竹鳥好事坐萍鷗與爾新相
得歸心老尚浮艱難緣底事隔歲已忘愁

歸舟自蘭亭與倪獻汝葉恆生王元趾呂漢堂陳天若劉

北生倪爾徵言別

時五月十三日

竹醉未忘日人歸尚憶家絮衣侵白葛蒲酒忘蒼葭知友交情

在經綸世道斜菟裘如可老切勿問京華

從此長魔手并辭魚鴈期江流如不惡風信自應知披髮非徒

我亂羣更與誰所慙諸兄季多寫杖頭詩

前二章已從人帖錄入本卷十二葉此從

別本大滌函書補錄後二章

都中簡寄南還諸友

丁丑附

八載勞相憶三春又夢過衣塵隨馬落籬雨送花多不論文章
契其如情慄何愛才兼好老年事未蹉跎
嶺梅貪早雪巖桂喜遲雲天意存開美吾生易失羣名緣新亦
淺交臂久難分草次看鞭影離心相對焚

以我不盡意逢君深相時人才成樵境世事近鷓夷道貴千秋
合心留諸子知風濤胥渡口未寫及門思

通顯易爲別艱虞交始深登車思故劍采佩憶遺簪自擬蟬依
葉何愁鶴在林歸雲西洞裏儻可遂招尋

督學倪三蘭年兄觸降錄事詩以慰之

二章

心水向誰明雲霾幾日晴狼豺何可問狐鼠自縱橫世旣輕青
史天應貴白丁古來宦有此掩卷謝書生

久矣愁文網今難爲法冠經師知可乞腹的豈堪安秋氣翔危
葉道香誦古檀諒非明主意不敢告言官

屏居偶作寄倪侍御二章

虎鼠趁人事龍蛇從所師未能逃漆室奚忍負明時道奧世無
賴行危天亦疑重生爲小可飲啄自卑棲

慙無賣菜意況復欲鈔書寫竹流泉外料琴落日餘包荒宜旅
退消難或端居白髮散人澹江秋木葉疏

偶贈方外

郭叟東園客吳兒洛水舟魚腥傾藥市金氣賤羊裘有道亦無
賴逢時尚白頭寥消黃石屢那辨赤松遊

為蔣九達題烈母傳并閱邸報有作

火光明玉燄鍊色表金心不有同年烈安知風教深留香千領
外照膽百城陰見爾存令子花徽涕未禁

賢者識時務人當二萬師孤城罇俎氣一疏龍驪姿劉叔順昌
曰虞生采石時會須留此意共我救攢眉


直北風烟緊翔鳥音氣乖與誰齊擊楫逢爾少開懷四鎮荷榛
戟三韓折古釵興言無一可雲逕老青鞵

一為還山約歸來覓小舟重尋丹石洞長漱碧溪流藥就桐君
制絲分巖子愁何能負重擔反著小羊裘

送張葵日公祖

从自書
軸幅增

化柄豈搖嶽安綏當攬琴魚龍見海眼卉木辨天心扇喝甘棠
暇披裘伏日陰相看無冷燄方信國交深



善法集卷四
三
三四

此卷之末
善法集卷四
三
三四

